


Biblioteka
Ojców Kamedułów
w Bieniszewie





DEMONSTRATIO CATHOLICA

IOAN: CARAMVELIS LOBKOWITZ

Ordinis S. BENEDICTI

EPISCOPI CAMEANLÆ.

Exempli montis argentei ad Prad

Bj. dien. B. v. 34

DEMONSTRATIO
CATHOLICA
Ad omnes Orthodoxæ
Fidei Controuersias

decidendas, clarissima.

Ed. Ermitt: Auctore Carol. Inouke

R^{mo} D. IOANNE CARAMVELE
LOBKOWITZ,

Ordinis S. BENEDICTI
olim Abbate Pragensi in Boë-
miâ, nunc Episcopo Cam-
paniæ in Italiâ.

Vigorensis. Quam
ex auctoris Manu-Scripto de-
sumptam, bono publico, im-
primendam curauit.

R. D. STANISLAVS SCZY-
GIELSKI, Præpositus Tuchoui-
ensis Ordi S. Benedictic.

CRAC. Apud Hæredes & Successores, Luca
Kupisz, S. R. M. Typog. 1665.



Neque in confusione
Paganorum, neque in
purgamentis Hæretico-
rum, neque in languore
Schismaticorum, neq;
in cæcitate Iudæorum,
quæreda est religio; sed
apud eos solos, qui
Christiani Catholici vel
Orthodoxi nominantur.

*S. Augustinus,
Libr. de verâ Relig.*



terio Tyneceſi ſub Veſtrâ Inſtitutione fui mancipatus, quantum illic otij Exercitia Religioſa muniaq; ex Obedientiâ impoſita, mihi indulgebant, illas omnes ſubſecivas horas, libris euoluendis deuotè conſecrabam. Dumq; in illâ Cenobij Noſtri Bibliothecâ Authorum diuerſorum reſerta copia in promptu haberetur, ex quibus mihi auido literarum, ad inſtar argumentofe apis libare ſcripturarum mella licebat; nullius tunc at uerò lectione ſuauius aſſiciebar, quam Caramuelis euolutione Tractatum. Qui non eo ſolum nomine me ſibi vendicabat, quod & ipſe Benedictinus eſſet, & Benedictinas obligationes in diuerſis Opusculis ſuis gra-

graphice clariusquè præ alijs ex-
posuisset; sed quod maximè præ-
cipuam in docendo methodum,
& facilitatem in rebus arduis
ad captum cuiusque exactè ob-
seruasset. Itaque præter eius A-
SCETICA Opuscula, uti Cõ-
fessionales Psalmos, Thanato-
sophiam siue Musæum mortis,
Benedictū Christoformem; E-
uangelicos conceptus, Theo-
logiam Regularem in quâ Re-
gulam S. P. Benedicti & alias ab
Ecclesia approbatas clarissimè il-
lustrauit, tum nonnullos alios pi-
os eiusdem libellos, quos ad ma-
num habere tunc poteram, & eos
ad spiritum religionis in me ac-
cendendum, singulari cum ani-
mi delectatione & profectu inte-

riori legeram; legi & SCHO-
LASTICA illius Volumina,
qualia sunt, Philosophia Rati-
onalis, Cursus Metaphysicus,
Theologia Moralis, Theologia
Fundamentalis, Mathesis Au-
dax, Astronomia Rectilinea, So-
lis & Artis adulteria, opera e-
ruditissima & ingeniosissima, &
qua Caramuel in gratiam ma-
gnarum mentium edidit, in ijsq;
vim ingenij sublimem demon-
stravit: legi-præterea HISTO-
RICOS Commentarios eiusdē,
uti Hispanum stemma, in folio
iuste quantitatis volumen; Phi-
lippum Prudentem, Annales
Lusitanorum, Motiuū iuris con-
tra Richelium, Libram de præ-
cedentia Benedictinorum, Tra-
ctatum

Statum De Pace S. R. Imperij,
Hierarchiam Ecclesiasticam,
adhac Specimen totius Cabalæ
in quo, qua ad Sacra pagine le-
ctionem eiusq; intelligentiã con-
ferunt, doctissimè adnotavit &
Steganographiæ quoque Opus re-
conditissimum, Cælestes Meta-
morphoses & alia huiusmodi, ex
penetralibus Scientiarum omniũ,
Philosophiã, Mathesi, Theologiã,
desumpta, ex Iure Vtroque peti-
ta, mirabili ingenio, nouo &
singulari artificio ab eo elabora-
ta Opera, vidi, & legi: ex qui-
bus Author ingentem apud o-
mnes Doctrinæ admirationem,
& apud Principes viros eximi-
am suæ Personæ aestimationem
felicissimè est consecutus. Subi-

erat itaq; animum meum desi-
derium hominem vel semel à vul-
tu noscendi; in quo voto meo sa-
tis bono & probò, facilius, quàm
sperassem, iniquissima Regni No-
stri fors detulerat tum, cum an-
nis propè elapsis ab omnibus ter-
re angulis & lateribus, ex con-
dicto, prosilirent hostes qui Po-
loniam inundantes, ciuem quèq;
bonum, ex patrijs sedibus pro-
pellebant: acerbius verò præ a-
lijs, Regulares personas inseque-
tes, de Claustris extractas vel
protrusas, carceribus publicis
includebant, vel in exiliũ able-
gabant. Proinde, communicla-
de, quemadmodum alij multi,
sic ego proscriptus à patriâ, ad
Caramuelem qui tum Praga a-
pud

apud Monserratenses Abbatem agebat deueni, à quo susceptus humanissimè, eidem biennio toto adhaesi, longiori viri admiratione & amore detentus; in quo maiores esse virtutis & Doctrinae prerogatiuas, deprehenderam, quam quae vel ex Monumentis ab eo editis colligi poterant, vel famâ non paucorum Doctorum virorum de Caramuele egregia quaquè referentium, celebrari audiueram.

At verò, ut & hoc candidè proferam, quod animum meum commouisse recordor, priusquam in Boëmiam hostili furore exactus fuissim, biennium circiter ante, inciderat fortuito in manus meas Doctissimi Viri Petri Francisci

† 6

Pas.

Passerini publici S.T. in Placenti-
nâ uniuersitate Professoris Pro-
theus Mysticus 22476. variatus,
in laudem Caramuelis affabrè fa-
ctus, eiusq; innumeras virtutes ar-
tollens, & Nomē eo modo exprimēs

I O. C A R A-
Iste Omnem Cuiq; Ad Rem Aut
M V E L,

Multis Vtilis Est Lux, cuius Gram-
matis vel potius Acroamatis, ver-
ba omnia Passerinus elucidans,
insignes laudes Caramuelis ca-
nit, eiq; totius Placentina V-
niuersitatis nomine, adplaudit;
& quod sit Lux, longioribus ver-
bis exaggerat. Lux est (inquit
Passerinus) & nouus in terris Ca-
ramuel Sol, ob ingenij lucem, quæ
facit, ut omnes ingeniosi, non
modo

modo Caramuelis ingenium in-
genue omnium prestantissimum
putent, sed omnem omnium in-
geniorum lucem in eo etiam si-
mulesse mirentur, eamq; [quod
omnium admirabilissimum
est] aded tenebrarum omnium
expertem experiantur, ut non
nisi Lucis ipsius Nomen merea-
tur; Præterea, ipse est Lex Do-
ctorum, Doctrinarumq; omni-
um Lux.

Vtilis omnibus & singulis, ex
suis scriptis operibus, quæ lucent
Orbi, lucemq; edunt, & non po-
tius in lucem eduntur.

Ad omnem rem. nil ignorat,
cunctas scientias perpoliuit, tra-
ctauit. Vnde hi qui libros à Ca-
ramuele compositos legunt, plu-

ra ab illo doceri vident, quam
qua ab homine sciri posse credi-
dissent.

Cuique aut multis. omnibus
prodesse generose vult; quod si
non omnibus, non paucis certe
prodest. Tum quia non omnes
eo pollent ingenio, quo ad inge-
niosas Caramuelis ratiocinatio-
nes percipiendas opus est; non
omnes eâ sunt ingenij liberta-
te, qua hic omnino necessaria est,
cum aliter aliqui sentire; vel
sensum alium præferre iussi
sunt; non omnes sic ab omni-
bus aliena sententia, siue funda-
mentis non præoccupati, siue præ-
iudicijs vacui sunt, ut postea di-
uersa sibi suaderi patiantur:
non omnes in omnibus ita non
super-

superbi, ita non inuidi, ita non
maligni sunt, ut extra seipsos,
vel prestantius, vel aequè bonum,
vel boni quicquam fateri, aut
saltem aequo animo ferre queant:
cum neque desint qui Soli ipsi
sibi adeò placent, ut quicquid ex-
tra illos est, eo ipso ijs omnibus
displiceat & improbetur. Sed si-
mul etiam, non pauci quoque
sunt, quibus tanta haec Caramu-
elis Lux, ita placuit & profu-
it, ut eà imbuti ac illuminati,
Dictis, Scriptis, & Factis omni-
bus fateri cogantur, nihil si-
bi hodie in humanis & in terris
Caramuele carius esse, nihilquè
sibi Caramuelis Doctrinâ ad ve-
ritatem omnem vndiquè inda-
gandam utilius videri. Us pro-
inde

inde tandem, Caramuel non
tam ætatis huius & Europæ
Phoenix, quam Naturæ, Mundi-
què Miraculum videri possit.

*Et hæc elogia, ceu amicitia in
Caramuelem Syngraphas, & pu-
blicum Doctrinæ ipsius testimo-
nium Passerinus ex Italiã in Boë-
miam, Monachis Pragensibus de
Observantiã Montis ferrati, in-
scribendo dedicandoq; submise-
rat, adiecto hoc insuper Disticho.*

Vestrum vestra prius vel Montē Serra secabit
Vel nullo alter erit tempore Caramuel.

*Quibus ego illo tempore per-
lectis, magis videndi virum tan-
topere concelebratum, incensus
desiderio fui, dumquè [vt recen-
sui] calamitas ingrauesceret, &
hostes, fortunis, vitæquè nostra
ext-*

exitiales instarent, fauente au-
râ, Pragam delatus, Caramue-
lem nactus eram Patronum, qui
me teçto exceperat, veste dona-
uerat, pane aluerat; & quod
admirabilius in illo à me observa-
tum & à multis depradicatum
fuerat, cum præter officium Ab-
batis, [quod in illo Imperiali &
doctis viris alias abundante obi-
bat Monasterio] etiam apud Emi-
nentissimū Cardinalem ab HAR-
RAH Pragensem Archiep^m mu-
nus Officialis Generalis haberet,
& hebdomadatim ter, in Consi-
torio, Iudicia Regni totius quo-
ad Spirituales Causas, exerceret,
easquè cum suo Definitorio exactè
semper & cum emolumento San-
ctæ Fidei, Sectariorum verò, qui

tunc latebant, extirpatione, ce-
lebraret: nihilominus, si de ma-
ne Iudicia publica Consistorij,
statis diebus urgebant, ijs per-
functus, horis postmeridianis No-
bis in suo Monte-serrato Lectio-
nes Theologicas, viue vocis ora-
culo contradere non grauabatur.

Et ut erat, in Scribendis Li-
bris Caramuel assiduus, ad quo-
rundam suorum M. S. descriptio-
nem, me cum alijs, ut ea typo-
thetis danda characterè legibi-
liori signarem, selegerat; feciq;
tunc commissa non indiligenter,
& aliquot exemplaria à manu
meâ profecta typis postmodum,
euulgata relegi. Vnicam porrò
hanc DEMONSTRATIONEM,
ad conuellendas generaliter o-
mnes

omnes Hareses, ab eodem con-
scriptam, & ex eius Authogra-
pho à me in mundum redactam,
votoquè ipsius Typographo desti-
natam, non vidi adhuc impres-
sam, nec scire possum, utrum lu-
ci publicæ permessa sit studio ty-
pohetarum, vel adhuc, cum mul-
tis alijs eiusdem Voluminibus ab
ipso compositis, & ob defectum
sumptuum in publicum exire
tardantibus, sub modio vnius
scripti exemplaris, cum damno
publico, delitefcant. Romam quip-
pè Caramuel à Pontifice, ante
aliquot annos, euocatus, diuersos
Tomos à se conscriptos, Praga in
Museo Abbatiali reliquerat,
quos necdum ad typum datos, ex
litteris Prioris Montiserrati intel-

lexi : cum interim Caramuel
iam pluribus annis in Italiâ, di-
missâ Pragâ, degat, & Episcopa-
tum Campania, vicinum Cassi-
nensi Archisterio habeat, ad quod
Monasterium Caramuelem me-
um crebrius commearé solitum
cognoui, ut animum speculatio-
ne literariâ, & curis publicis fes-
sum, religioso contubernio, & lo-
ei sanctitate (quam à Patriar-
châ nostro SS^mo BENEDICTO
hæreditario iure Cassinum vs-
que nunc conseruat) ad alios
labores in Ecclesiâ Dei non nihil
releuatum maiori alacritate
postmodum admoueat. Ceterum
Opusculum hoc, in quo Ecclesiæ
Catholicæ Romanæ infallibilita-
tem demonstrat Caramuel, &
augu-

argumentis conuincit ita claris,
ut ijs nil probabile reponi posse
videam, omnibus utilissimum fo-
re credo, idquè affirmare ausim,
quod plures eiusmodi A catholici
inuenientur, qui ex lectione hu-
ius Demonstrationis, si Dominus
cooperari & has periodos in ijs
confirmare voluerit, oculis suis
lucem veritatis, illuxisse agno-
scant, ingenuè perspiciant,
quomodo à suis Ductoribus sedu-
cuntur, facturosq; tandem ut
seposita erronea fidei larua, Romã-
na Apostolica certitudinem pro-
pius venerentur.

Inscriptam verò Demonstra-
tionem præsentem, Tuo Nomi-
ni Abbas Reuerendissime cum-
primis esse volui, Ut & Tui af-
fectus

fectus erga Caramuelem quem
amas longeuumque cupis, extet
monumentum, & mea voluntatis
studium Tibi pro merito seruien-
di locupletius innotescat Dabam
Tuchouia A. D. 1665. 5. Nou.





Approbatio.

Demōstratio Orthodoxa pro
decidendis Fidei Catholicæ con-
trouersijs, cū nihil habeat doctri-
næ Catholicæ, aut bonis mori-
bus aduersum, do facultatem vt
imprimatur.

HYACINTHVS LIBERIUS S. T. D.

Præposit⁹ SS. Corporis Christi
Librorū Diœcesis Cracou.

Censor.

mp.






Si in scriptis piorum Patrum,
aliqua fortè inueneris, quæ do-
gmatib⁹ Ecclesiæ Catholicæ mi-
nùs consentanea esse videantur,
non dubites, plus Fidei tribuere
ipsi vniuersali Ecclesiæ (quæ
columna & firmamentum Ve-
ritatis est, ideoq; errare nescit)
quam cuiuis etiam sanctissimo
Scriptori.

Ludou. Blosius,
Abbas in Collÿrio Heretic.







FVNDAMENTVM. I.

De Veritate & veracitate suprema.

Deus est infinitè sapiens, & infinitè bonus; nec falli nec fallere potest. Quidquid à Deo reuelatum, est verum.

DEvs est Veritas prima, est veracitas prima: Homo est mendacium, homo est mendax; & si quis fide dignus, Fidei diuinæ compos est. Sed vnde scio veritatem Principem non posse falli; Veracitatem Principem non posse fallere? si enim alterutrum demonstrare non potero, tota mea doctrina vacillat. *Porrò, non posse falli Deum, Infinitas ipsa demonstrat; sapiens est, & quia non est finitè sapiens, est sapiens infinitè: ergo habet sapientiam quæ omnè scientiã exhaurit; quâ*

maior, quâ melior, nec esse, nec cõ-
 cipi potest. Habet igitur sapientiã
 infallibilem : intellectus enim qui
 falli nequit, illo qui fallitur &
 decipitur, nobilior est. *Et Deum
 non posse fallere*, demonstrat Boni-
 tas. Qui alios decipit, bonus non
 est; & qui potest decipere & non
 decipit; est quidem bonus, sed
 esse malus potest: ergo, si DEVS
 ita est bonus, vt infici non possit
 malitiã; ita erit verax, vt dicere
 mendacium non possit. Hanc
 rationem confirmat generalis di-
 scursus, qui ad hos terminos re-
 duci potest. Omnis perfectio rea-
 lis, omnis moralis, imperfectio-
 ne omni sublatã, infinitè compe-
 tit Deo. Sed esse fide dignum, est
 prærogatiua, est perfectio, & de-
 decus carere fide. Ergo Deus est
 infinitè fide dignus. Ergo Deus
 mentiri non potest: nam si men-
 tiri quidem posset, sed nollet, non
 esset tam dignus fide, quàm si non
 posset.

FVNDAMENTVM. II.

*De Ecclesiæ Romanæ securitate
& infallibilitate.*

ECclesia vera in substantialibus Articulis errare non potest. Cùm loquitur Ecclesia vera, Deus loquitur *vt quod*, & illa *vt quo*. Ecclesia Romana est vera: ergo infallibilis & verax. Ecclesia Lutherana, Calviniana, &c. non est vera: Ecclesia igitur Romana in substantialibus Articulis errare non potest: illæ possunt: & quia illi, quæ errare non potest contradicunt, illæ solent. Atqui omnia, quæ Iustificacionem, Sacramenta, Gratiã, & Gloriam concernunt,

nunt, sunt substantialia:
Ergo in his omnibus ma-
terijs illa errare non po-
test.

CONSULTÒ distinguo Substanti-
cales Articulos ab Accidenta-
libus, nolo enim ingredi illã Quæ-
stionẽ, quæ inquit, An si Ecclesia
Romana aliquam controuersiam
merè Philosophicam, & quæ nec
mores, nec Fidem concerneret,
definiendam assumeret; habitura
adhuc esset certam ac infallibi-
lem Spiritûs sancti adstantiam?
Hanc alibi controuersiam exami-
no, & existimo, Propositiones me-
rè Philosophicas, aut non defini-
endas ab illã, aut infallibiliter de-
finiendas, nullus enim foret in
Ecclesiæ definitionibus error, qui
indirectè in substantiales Fidei
articulos non incideret & ipsissi-
mos suspectos redderet. Deus,
qui reuelare substantiales pro-
positiones voluit, accidentales
potuit:

potuit: imò & reuelauit nonnullas, sine quibus subsistere posset Ecclesia. Multa sunt in Sacrà Scripturâ veteri & nouâ ad melius; multa ad eruditionem; multa ad solamen; multa ad necessitatem: & tamen omnia sunt æque vera, æque certa, æquè de Fide, nam omnia reuelata à Deo.

COROLLARIUM.

Omnes Controuersie, quæ hodie in Orbe Christiano ventitantur, magno Catholicorum bono, ad vnicam possunt reduci. Demonstratur. Nam si semel constet, Ecclesiam veram errare non posse, & demonstratur. Romanam Ecclesiam veram esse, stabit. Ecclesiam Romanam nec falli nec fallere posse: quam ob rem omnes Heterodoxæ Cōtrouersie, reducentur

ad istum Syllogismum ; videlicet. (Quidquid Romana Ecclesia definiuit , est verum. Atqui in hac vel illâ materiâ hoc definiuit : Ergo hoc est verum.)

Multa in vnum congeffi , quorum si singula probentur bene , triumphabit in hoc libro Orthodoxa Religio , quæ in alijs multis triumphat , & varijs argumentis firmatur. Perspicuitatem amo , & ideò sub ipsum initium , agam.

*De Fidei & morum
discretione.*

PORRÒ Romanæ Ecclesiæ veritatem , & veracitatem , quas Fundamentum II, statuit , clarissimè

simè demonstrādas assumo: nec patiar terrena cælestibus, & humana diuinis commisceri, distinctè enim discuro, & volo oculis discretissimis legi. Catholicorum, aut etiam A catholicorum mores, Ecclesiasticos, & sæculares, antiquos, novos; vsus abusufq; , distinguo à Religione & Fide; nec volo examinare, Quid fieri soleat, sed quid debeat. In quadam Epistola Maurum alloquens Antonius de Gueuarâ, Pono calammum, ait, *Et oro Deum, ut mihi tuos indulgeat mores, tibi meam fidem*: & meritò; contingit enim aliquando, vt in bonâ religione nonnulli perditissimè viuant, & alij in malâ modestissimè. Hinc satis fit omnibus Heterodoxis, qui à priuatis aliquorum hominum moribus, argumenta desumunt, nam neq; apud nos omnes sunt mali, nec apud ipsos omnes probi, sed vtrobique reperiuntur nonnulli moralium virtutum cultores, & vtrobiquè etiam con-

Debēt mores à Fide distincti.

D. Antonius de Gueuarâ.

temptores nonnulli. Et si de sanctitate, quæ in omnium virtutum obseruantia consistit, inquisitio procedat, apud Nos inuentur perpauci, & apud Hæreticos nullus.

Valeri⁹ *Fateor*, ait Valerianus Magnus Magn⁹. in Iudicio de Catholicorum, & A Catholicorum Regulâ credendi in Prologo Bibliſtis inſcripto, *fuſſe ſub ſinem* [initium potiùs] *ſuperioris ſæculi* [ſubintellico ſub annum MD. & MDX.] *cur homo amans boni publici, ac prudens ſoluſſet reformari apud nos pleraq;* [Nota bene; pleraq; dicit, non aliqua] *Saluâ Fidei integritate, nuſquam deformatâ. Fuerat eâ tempeſtate Catechiſmus Chriſtiana Plebi rarus* [in multis locis etiam hodie] *ignorantia frequentior* [& hodie etiam inter doctiſſimos viros, qui ſerpunt, multi ſunt ignorantes in alto] *mores in populo corrupti, & ſq; ad orbis ſcandalum* [at hodie vix datur ſcandalum; non enim ſcandalizan-

Hinc debet incipere Hæreticorū conuerſio. Hinc incepturus erat Marcell⁹ z. ſummus Pōtifex, ſed morte præueni⁹ nō potuit. Ni corrigan⁹ tū, fruſtra libri ſcribuntur, & cū Petero-

lizantur summe boni, nec summe *doxis di-*
 mali] *Infederat animis ex insci-* *putatur.*
tiâ illâ frequens superstitio in cul-
tu Sanctorum ; in Generatione sa-
crarum Imaginum ; in deuotione
erga Sanctorum Reliquias : [&
hanc ipsam video altas radices e-
gisse alicubi, creuisse alibi ; & vix
ab ignorantia separari.] Inuase-
rant plerosq; Ecclesiasticorû [Ma-
gna est Valeriani sinceritas ; ple-
rosq; iterum dicit, non aliquos]
Ambitio, Simonia, Pompa, Deli-
cia: Quæstus etiam ex Iurisdic-tio-
ne Ecclesiasticâ, grauis populo Chri-
stiano. Ipsa Indulgentia à prima-
ris Ecclesiasticis sæpe trahi vide-
bantur in nundinas. [an- ne cor-
recta singula ? vociferantur, qui
tanguntur, cum vel leuiter infi-
nuatur veritas.] ô tempora ! ô mo-
res ! sed ô iram Diuini Numinis !
Defuit qui expostularet opportu-
nam reformationem ; nec tamen
defuere, qui in orbe creparent se-
cessionem ab Ecclesiâ Romanâ.

Martinè
Lutheri
defectio

Incæpit Martinus Lutherus con-

A 5

contra abusus Indulgentiarum concionari, & quamdiu contra abusus solummodò, piè & sanctè; Reperit, qui propugnent, quæ præstaret corrigere: exacerbatioque ad alios abusus transgreditur, & saluâ Fidei & Ecclesiæ vnitatem corrigi singula vult, quæ carpit Magnus In Colloqu. Coniuiual. titul. de Sacramento. fol. 211. iuxta edition.

Hæc ònia vere potuerunt dici sub initium: falsò post modum, cù ipsa met Fidei substantia à Luthe- ro & eius affectu appetebatur. Quâ ob rem dici òni- nò debe- bit hu- verbis a- buti Phil.

Isleb. Quoad ipsam substantiam & essentiam attinet, inquit Sa- cramenta, & Biblia nequaquam abolet Papa. Verumtamen cogere nos vult [sed non erat Papa Mar- tine, sed Ministri; qui eius no- mine inuidiam Germaniæ concitabant] & ipsi ex ipsius arbitrio & nutu vramur. Non negat opus ipsam, sed usum. Itaq; omnes meæ Disputationes, Scriptiones, & Ac- tionis sunt contra abusum Ponti- ficis [aliquorum Ministrorum po- tiùs eius nomine abutentium] directa. Et iterum, Tota dissensio est de quibusdam abusibus, qui sine antho.

authoritate [hoc est, à Ministro-
rum auaritiâ, & malitiâ] *in Eccle-*
sias [plurali veitur nume-
ro, vt priuatas intelligat] *ir-*
repperunt. Et rursus, *Cum Eccle-*
sia [iterum priuatas intelligit]
apud nos de nullo articulo Fides
dissentiant ab Ecclesiâ Catholicâ,
tantum paucos quosdam abusus, o-
mittant. Quæ omnia verè po-
tuerunt dici sub initium, quam-
diu non res ipsæ, sed modus effe-
ctusq; regerebatur.

Impatientia transiit in ani-
mositatem; huic zelus indiscre-
tus successit; vt enim ex Some:
in defen: contr. Penrie. pag. 176.
Couello in defens. Hokeri p. 68.
& 73. Edmundø Bunnio in sua
pacificatione, & alijs Hæreticis,
Catholicisq; Pater Henricus Fitz
Simon in suæ Britannomachiz
lib: 1. cap. 10. pag. 76. colligit
iudicio omnium eruditiorum in
defectionis initio [& vtrinq; vt
existimo] *ignaro zelo laboratum,*
vnde Calvinus art. 2. contra A-

Melanctō
in Conf-
Augustâ.
pag. 21.
cap. 22.
iuxta li-
brũ con-
cordiæ,
qui editus
est Lipsiæ
anno. 1580.

Someus.
Couello
Hocke.
Bunnio
Henricø
Fitz Si-
mon.

I. Caluī,

Hodierna
Hæreseos
causa.

Bunnius

nabapt: *Cum sub specie perfectionis imperfectionem nullam tolerare possimus, aut in corpore, aut in membris Ecclesia; tunc Diabolus nos tumefacere superbiâ, & hypocrisis seducere non cessat. Indiscretio, & superbia retulæ, Irritationem peperere; morbum gravem; quem lucrum reddidit immedicabilem: nam, ut ab annis pluribus expertus sum, verissima est sententia Bunniij in sua Pacificatione prope finem, & aliorum dicentium, *Hodie esse manifestum [N. B.] non ex conscientia, aut fide, sed ex commoditatum sæculi amore homines præterita Reformationis adharere. Incepit ab irritatione Hæresis in Germaniâ; fouetur avaritiâ, & lucro; & nonnulli Catholici, dum nimium feruidè caduca curant Hæreticos vehementius irritant, & eorundem conversionem, alias facilem, difficillimam reddunt. Sunt, qui Hæretici, Homines rationales, studiosi etiam, & erudi-**

ti,

ti, & nisi irrita conuocentur,
 ad nos paulatim redeunt,
 etiam sæpè cùm abire dicuntur.
 Nam, si singula examinemus, an-
 tiquos errores remiserunt, & ita
 in aliquibus philosophantur, vt
 si Ecclesiam admitterent, facili
 negotio sanarentur. Hæresim
 suam merâ irritatione & auaritiâ
 fundatam non posse diu subsiste-
 re, sed debere paulatim deficere;
 & fore, vt Lutherani paulatim
 ad Ecclesiam redirent, præuidit
 Martinus Lutherus contra Zwin-
 glium, & Oecolampadium; ait
 enim. *Si diutius steterit Mundus,*
sterum erit necessarium propter
diuersas scriptura interpretatio-
nes, qua nunc sunt, ad conseruan-
dam Fidei Unitatem, et Concilio-
rum decreta recipiamus, atquè ad
ea confugiamus. Et quidem quod
 præuidit Lutherus, experienciâ
 didicit Hingus; & impatiens oc-
 clamat, *hac tempora ad Papisimum*
relabi, et generalis apostasiâ omnia
transuerso cursu eodem retrocede-

Hingus
apud Le-
achū pag
66. et He-
ricū Fitz
Simon in.

Britāno-
machiā
lib. 5, c.
6. pag. 51

Iā Hære-
tici pau-
latim a-
periūt o-
culos, &
ad nos ac-
cedunt,

re. Id ipsum etiam didicit experi-
entia Couellus, qui tria dicit;
primum, iam reformatam Puri-
tanorum Religionem, modicè à
Romanâ differre; secundum, es-
se id ipsum gloriosum; tertium,
multos hac ipsa veritate Purita-
nos offendi. *Dolemus* inquit in
exam: pag. 185 *offendi ab infir-*
mitate Puritanos, ex eo quòd nos
ducimus gloria & præstantia nobis
in Ecclesiâ; nempe nos modice a-
greq; ab Ecclesiâ Romanâ discre-
pare. & à pag. 185. ad 195.
postquam sibi obiecisset Litur-
giæ Anglicanæ formam ab Anti-
christo fuisse acceptam; respon-
det; *se, suosq; gloriari, quòd parè,*
& illibenter ab Ecclesiâ Romanâ
[à quâ ipsi, & pleraq; Ecclesia-
rum, Fidem hauserunt] descessant,
non omninò dissensuros, si per cor-
ruptiones lussisset. se ex irritatio-
ne discessisse: etiam paulatim
aperire oculos, & propius redire
fatentur. Et, si alterum quispiam
aut falsum aut incertum iudicet,
legat

legat quæ de Arbitrio seruo olim
 Luther^o, quæ etiã Calvinus; alijq;
 scripsêre aut dixêre; legat, & lu-
 niorum scripta, audiat Theologos
 Heterodoxos, qui hodie viuunt;
 summam inter Magistros, & Di-
 scipulos differentiam inueniet:
 videbitq; illos voluntatem passiuè
 se habere, & ab extrinseco ne-
 cessitari docuisse; & nihilominus
 ex his quàm plurimos Molinæ,
 alios D. Thomæ fundamentis in-
 sistere; non paucos laborare ho-
 monymia; omnesq; iam reijcere
 fatalem necessitatem Stoicorum,
 & inire viam probabilem, aut to-
 lerabilem. Bona opera gratiã
 non indigent in sententiã Pela-
 gij, vt meritoria sint: & gratia
 ipsa, vt meritoria sit, non indiget
 bonis operibus in sententiã Lu-
 theri & Caluini: vtrumquè er-
 rorem damnat Paulus: [Priorem
 dicens, *non esse condignas passio-
 nes huius mundi ad futuram glo-
 riam*: & posteriorem asserens, *re-
 positam sibi esse diuinitus coronam*
Insti-

*An bona
 opera sine
 necessa-
 ria?*

*An liberum
arbitrium?*

Iustitia: vtrumquè Ecclesia Naturæ. & Gratiæ concursus, & cooperationem dilucidans, & meritum vtriquè concedens. Et etiam hîc Heterodoxi, dum à Pelagio, & Luthero recedunt, ad nos accedunt; tam enim clara est Ecclesiæ Romanæ doctrina, ut verbis sæpiùs quàm mente appeti solet. Si semel liberum admittatur arbitrium, intelligaturq; Potentiarum naturalium, & supernaturalium concursus, pauca remanent, quæ possint aut debeant agitari. At hæc pauca, ut expediantur dignè, Libris integris indigent. Multos hoc sæculo euulgarunt eximij, & subtiles Theologi; & quia multos & magnos, multa robusta, & efficacia miscuerunt, & enervârunt argumentis debilibus; vnde Hæretici, si semel nodum aliquem soluerint aut exciderint, cætera putant non esse maioris efficacitæ, nec novâ solutione indigere. Video à nemine magnos Libros euolui

uolui, paruos à paucis; & hanc *Verò mo-*
 ob rem Decreto Marcelli Papæ *due con-*
 insistendum existimo, deberequè *uertendi*
 Hæreticos conuerti, non tam ver- *Acatl-*
 bis & libris nostris, quàm pieta- *lices.*
 te, sobrietate, & liberalitate. Cō-
 doleo itaque, & quia huius sæculi
 mores vertere non præsumo, ne
 nihil facere dicar, sumo calamum;
 & quæ ab omnibus legi desidero,
 ad paginas paucas reduco. Sed
 quo potero modo, tam multas
 variasq; Hæreses tam breui com-
 pendio expugnare? si nullus est
 Fidei Romanæ articulus, quem
 non centenis modis legant, & ex-
 plicent Heterodoxi; si milleni
 sunt errores, qui in singulas Fi-
 dei veritates impingunt; qui vix
 magno possem volumine singu-
 los recensere, quomodò potero
 vno aut altero folio expugnare
 vniuersos; nam recensere facile,
 & expugnare difficillimum est?
 Potero quidem; nempe omnes
 quocumque, & qualescunq; sint,
 ad vnicam solam quæstionem re-
 du- *Omnes*
cōtrouer-
sæ ad v-
nicã pos-
sunt re-
ducig

ducendo ; illamque non multis, sed paucis, his verò evidentibus, & irrefragabilibus argumentis monstrando ; vt qui primum catenæ annulum teneat, ceteros non tenere non possit. Ingrediamur igitur paulatim rem, & ne probabilia commisceamus incertis, qui evidencias promittimus, ab ipsâ Evidentiâ exordiamur.

De Evidentiâ, quæ ad Fidei assensum requiritur ; & de Evidentiâ, quæ Fidei opponitur obscuritati.

An Fides cum evidentiâ cõponatur ?

Fides obscura est, inquis ; & Evidentia clara : ergo tum concurrere aut coincidere poterunt, cum detur vel tenebrosa claritas, vel clara obscuritas. Et Ego inquam ; tenebras esse obscuras clarum est, & homines debere credere & assentiri Deo, clarissimum : nimirum ita notû, & certum, vt adstruatur ab omnibus, nec debeat ab vilo probari.

Inte-

Interim hac claritate non obstante Fides manet obscura, & quia hoc ipsum luce indiget, aliqua breuissimè hic perstringam, quæ alibi vberius retractabo.

Datur Candide Lector [at-
tende obsecro] *Credibilitatis E-*
uidentia: & hæc in omnium The-
ologorum sententiâ. Et Iunio-
res, qui rem discutere radicibus,
non iam credibilitatis solummodo, *Credēdi-*
sed & Credenditatis etiam E-
uidentiam, & certitudinem ad *tatis eui-*
Fidei assensum requirunt: &
nos veterum, & Iuniorum fun- *dentia.*
damentis, recognitis, non eos ali-
ud, sed aliter loqui putamus. Si *Credēdi-*
stemus dictionis rigori, sicut ali- *tatis eui-*
ud est, rem esse possibilem, aliud *dentia.*
esse futuram; & sicut aliud est, *Credēdi-*
rem esse factibilem, & aliud rem, *litatis &*
esse faciendam; sic etiam aliud *credēdi-*
est, propositionem aliquam esse *tatis dif-*
credibilem, & aliud, illam esse *ferentia.*
credendam. Non est bona conse-
quentia, *Hoc est factibile, ergo de-*
bebit illud facere: adeoque neq̄
hæc

hæc erit bona, *Hoc est credibile,*
 ergo debebis illud credere. Ali-
 quid igitur præter credibilitatem
 requiritur, ut detur credendi o-
 bligatio: & hoc ipsum *credendi-
 tatem* appellamus; & sicut su-
 blatâ albedine, non datur album,
 sic credenditate sublatâ, nihil re-
 maneret credendum. Puto vul-
 gus Theologicum *Credibilitatis*
 vocabulo Credenditatem intelli-
 gere, & à nobis non differre mē-
 te, sed linguâ; & ideò tantum à
Credenditatis vocabulo abstinu-
 isse, quod voluerint scholastica,
 & Theologica ad Ciceronis labi-
 um castigare, quoniam apud elo-
 quentissimos Rhetores multa
 reperiuntur abstracta *Credibilitati-
 ti* similia, nullum *Credenditatis*.
 At quia hodie vniuersa subtilis-
 simè, & distinctissimè, solent tra-
 ctari, nullius iniuriâ, nos Credi-
 bilitatem à Credenditate distin-
 ximus, & æquiocatione, quâ
 laborabant sub ipsum initium
 controuersiz, illustratâ, aut su-
 blatâ

*Eloquen-
 tia in Scho-
 lasticis
 sapissimè
 nocua est*

blata, pede securiore progredi- *A poten-*
 mur & consequentias aliquas di- *riã ad a-*
 lucidamus. sentimus esse malas *stã mala*
 has. *Hoc est possibile, ergo* & fu- *est argu-*
 turum. *Hoc est praeceptibile, ergo* *mẽtandẽ*
subditus obedire tenetur : & in- *forma.*
 ferimus malam esse etiam istam,
Hoc est credibile, ergo tenemur il-
lud credere : quoniam aliud est
 posse, aliud debere, & ex potentiã
 debitum inferri nõ potest ; quã
 ob rem præcedentes consequen-
 tias reformo, & loco illarum has
 substituo : *Hoc est possibile, ergo il-*
lud Deus poterit facere. Hoc est
futurum, illud igitur sua causa
efficiet. Hoc est praeceptibile, ergo
non repugnat & subditus olim obe-
 dire teneatur ; teneatur enim,
 si praeceptetur ; & tenebitur, cum
 praeceptetur. *Hoc est credibile, il-*
lud igitur poterimus credere. Hoc
est credendum, Ergo non solum po-
terimus credere, sed & debemus.
 Hinc patet summo olim consilio
 Malderum Duaci dum esset The- *Malder*
 ologiæ Professor, semper dictasse
 & pro-

& propugnasse Propositionem ;
 videlicet, *Ut aliquis teneatur cre-*
dere, oportet talem ei fieri Fidei
propositionem, quâ euidenter in-
telligat & videatque, res Fides ef-
se credibiles, & credendas. Hinc
 patet summo etiam iure dum es-
 set Antuerpiensium Episcopus hoc
 eodem Dogmate doctissima vo-
 lumina fundasse, erat enim Hære-
 ticis multis præpositus, & debebat
 exactè scire, & exactè docere re-
 gulam, & obligationem creden-
 di. Hinc patet tandem Louani-
 enses, & præcipuè Dominum Fro-
 mondum, & Patrem Leonardi,
 aliosque Theologiæ Doctores Pro-
 fessoresque meritò hanc ipsam Po-
 sitionem fecisse suam, & in publi-
 cis illam Disputationibus statuis-
 se, dilucidasse, & propugnasse.
 Hinc patet vltimò merito Gallos
 consonare Duacensis Louaniensi-
 busque ; & D. Petrum à S. Ioseph,
 Fulienfium decus, & ornamen-
 tum, meritò dixisse, *Tenantur in-*
fideles actu credere, quando Arti-
culi

Antuer-
 piensium
 Episc.

Libertus
 Fromon-
 dus Pa-
 ter Le-
 onardi
 &c.

D. Petrus
 à S. Ioseph
 Fulienfium
 Decus, & orna-
 mentum, meritò
 dixisse,

culis Fidei sunt illis sufficienter
 propositis & explicatis : quia cum
 tunc sufficienter ipsis constet, ea
 qua proponuntur, à Deo reuelata,
 ac proinde Vera esse; eo quòd De-
 us, & potè infinite sapiens, & bo-
 nus, falli nequit, nec fallere: sine
 graui Prima Veritatis iniuria as-
 sensum rebus propositis negare non
 possunt. Quod ita intellige, & In-
 fidelis de Veritate sua Religionis
 minimè dubitans, non teneatur
 audire concionatorem Catholicum
 cupientem eum instruere de rebus
 Vera Fidei. Et, si eum admittat,
 non teneatur illius doctrina assen-
 tiri, nisi eam esse creditu dignam
 euidenter probet rationibus, mi-
 raculis, alijs. &c. signis. Et cum
 hoc probatum nouit, adeò & nulla
 supersit ratio, quâ oppositum erro-
 rem; cui hactenus adhasit, creditu
 dignum arbitretur, teneatur sta-
 tim assentiri, cum nulla tunc appa-
 reat ratio, cur in aliud tempus as-
 sensum differre debeat. Ita ille in
Propulâ Casuum Conscientiæ in
 Deca-

Quando
 detur o-
 bligatio
 credendi.

An Ha-
 reticus
 nostros
 audire
 Conciona-
 tores re-
 neatur?
 An, si
 audiat &
 teneatur
 assentiri.

Pater de
La Haye
I. Hoki-
er C. Bo
urlon,

Decalogum, cap. 1. de primo
præcept: artic. 1. pag. 3. Ita eti-
am F. C. de La Haye Benedicti-
nus; I. Hokier; C. Bourlon;
Academiae, & sacrae Facultatis Pa-
risiensis Doctores Theologi, qui
eandem summulam legerunt,
laudarunt, approbarunt. ita eti-
am omnes, qui illâ vtuntur, &
summis encomijs exaltant.

*An Fides
possit de-
monstrari?*

*Proposi-
tionis de
inesse, ac
Modalis
discrimen.*

*Vera de-
monstrari
possit, v.
ira non
possit?*

At dices, auferri Fidei meritum,
si ad demonstrationem recurritur;
imò ipsos Fidei Articulos,
humano omni eminentiores ra-
tiorinio, demonstrari non posse.
Et tibi ego debere propositionem
de inesse quàm vocant, à
modals distingui: alia enim Pro-
positio est, *Non iustificamur Fi-
de, sed Gratia;* & alia, *De Fide
est nos non iustificari fide sed Gra-
tia:* Prima enim rationibus evin-
ci non potest, at secunda facillimo
negotio demonstratur. Nam,
si secunda esset solum probabilis,
prima posset negari turâ Fide, vt
patet in centenis Assertis, quæ di-
cun-

cuntur probabiliter esse de Fide.

Vnum, in exemplum propono. *Dantur Propositiones, quæ sunt de fide, probabiliter tantum.*
 Hæc propositio, *Dies illos septem, quorum meminist Sacra Scriptura cap. 1. Geneseos, esse similes, & æquales nostris diebus, de fide est;* non est euidens, sed probabilis, & idè tutâ conscientîâ ab Augustino, & etiam hodie à multis Augustianæ doctrinæ sectatoribus negari solet; doctrina enim illa quæ docet dies illos esse metaphoricos & cogitationibus Angelicis commensurabiles etiam hodie tolerabilis est, & Louanij me præsentè defensa.

Et hîc maximè notandum est, *Demonstratio moralis.*
 Authores, qui Modalem propositionem posse, & debere demonstrari supponunt, *Demonstrationi* nomine, Morale tantummodo intelligere; tota enim Fides consistit in quæstione de facto [videlicet, vtrum sic Deus dixerit, vel non dixerit?] quæ non potest decidi ex fundamentis naturalibus; quæ enim à Deo libe-

re sunt reuelata, flante totâ naturâ prout nunc, potuerunt liberè non reuelari. Demonstrari ergo debet, non ipsa propositio *de ineffe*, sed *Modalis*. Demonstrabitur, si à Deo fuisse reuelata probetur syllogismo legitimo [in forma ab omnibus recepta constructo] cuius præmissas nemo Hæreticus negare possit: agimus enim cum Lutheranis, & Calvinianis præcipuè, qui nobiscum admittunt istas Propositiones.

Quid Hæretici nobiscum admittant.

- I. Deus est, Deus existit.
- II. Deus est infinitè sapiens; & per cõsequens, qui falli non possit.
- III. Deus est infinitè bonus; & per consequens, qui fallere nec velit nec valeat.
- IV. Quidquid Deus reuelauit, est Articulus Fidei, debetque ab omni Christiano teneri.

Et tantùm differunt in subsumpto, vbi enim Nos dicimus, Atqui Deus, qui necessariò existit,

& est infinite verax, bonusq; , re-
uelavit Sacramenta esse septem ;
item hoc & illud ; &c. respondent
negando Minorem absolutè.

Profecto istæ minores , [nimi-
rum ; Articuli Fidei] multæ sunt ;
& idè debuerunt ad Classes re-
duci , & singulæ seorsim demon-
strari ; qui labor à maximis Viris
assumptus , Ecclesiæ Romanæ sum-
mè profuit. At hodie Hæretici
saltim controuersias excogitant ;
& cum conuincuntur in vnâ , ex-
siliunt statim ad aliam , si in hac
conuincantur , similiter , aut exsi-
liunt in tertiam , aut etiam reuer-
tuntur ad primam ; ita vt vix vita
integra sufficiat , vt singulæ de-
monstrentur exactè. Hinc est ,
quod iste illis excursus clypeus
sit , vt non possint adæquatè con-
uinci ; non enim vnâ horâ pos-
sunt omnes controuersiæ decîdi ,
& ipsi nolunt hære in vno pun-
cto , sed semper transcurrere ad
alia. Possem nominatim produ-
cere Homines , qui apud Hete-
rodo-

*Quid ad-
uers⁹ nos
negent?*

*Articuli
Fidei à
plurimis
dilucida-
ti sunt.*

*Ninquã
Hæretici
eidẽ Pro-
positioni
insistunt ;
sed ex ña
in alterã
diuersam
saltitant*

*Cui non
solum cõ-
uinci.*

herodoxos magni fiunt, & tamen, si agamus de adoratione imaginum, de bonorum operum fructu & necessitate, si de summi Pontificis authoritate, tandem mihi consentiunt, nec tamen Catholici fiunt, sed scrupulos novos allegant, quos qui tollere velit, incipere debeat ab ovo, & praevidere novos esse obijciendos, cum hos funditus eradicauerit.

Controuersiae omnes, quae inter Catholicos & Heterodoxos agitantur, ad vnicam eamque facilem & claram reducuntur.

Quid ergo remedij in intricatissimâ re? Quid consilij, ubi summum Heterodoxorum consilium est, controuersias multiplicare, & intricare? Quo rem summam modo poterimus verbo expedire? Non aliter profectò, quam omnes cōtrouersias omnino, quae sententiis indigerent diebus,

bus, aut annis etiam, si essent singularim tractandæ, ad vnicam solum reducendo, & reductionem ipsam negari non posse demonstrando. Pronuntio igitur omnes *Omnes cõ*
 Controuersias omninò debere *trouersa*
 coïncidere in illâ, quæ de Ecclesia *reducuntur ad*
 disputat veracitate; & vt demonstrarem coïncidentiam, vos *ynam.*
 Luteranos alloquor, vos Calvinianos, & sic incipio argumētari.

Generalis probatio.

Ecclesia vera, quæcunq̃ue illa sit, in doctrinâ substantiali errare non potest: vera enim ideò dicitur, quod verax sit; nam Religio, quæ mendax, non est vera. At doctrina *de libero arbitrio, de votis, & bonis operibus, de peccatis, & iustificatione, de Sacramento, medijs necessarijs ad æternam salutem;* item doctrina *de calo Purgatorio, & Inferno, &c.* substantialis est: Ergo in eiusmodi doctrinâ, Ecclesia vera errare non potest.

B 3,

Ergo,

Ergo si Ecclesia Lutherana est vera, standum est Sacramentorum materiæ, formæ, & numero & doctrinæ, quam statuit Augustana confessio.

Ergo, si Ecclesia Calviniana vera est, standum est *Institutionibus Ioannis Calvini*, & in Sacramentorum, & Iustificationis materiâ debemus omninò nostram, ad mentem Calvini, aut fortè [nā in plerisq; Discipuli dicuntur à Magistro differre] Calvinianistarum formare.

Ergo, si Ecclesia Romana vera est, Consilio Tridentino est standum; damnandæ sunt Lutheri, & Calvini Positiones; admittendus est cultus Imaginum; bonorum operum concedenda est utilitas, & necessitas: afferendum est Sacramenta esse septem, & singula materiam, formam, & Ministrum, & effectum habere, quæ Tridenti definiuit Ecclesia.

Hucusq; videtur esse partium concordia; nec enim vel v-
num

num Prædicantem inueni, qui aliquid ex prædictis negaret. Sane Religio à veritate doctrinæ vera dicitur, & hanc obrem non minus repugnat doctrinam veræ Religionis esse falsam, quam veram doctrinam esse falsam. Quod ipsum tomo VII. Germ. Wit. fol. 565. tit. de veteri Ecclesiâ confitetur Martinus Lutherus, cum dicit, *Ecclesiam* (subintelligo, *veram*) *mendacium falsamque doctrinam pronunciare nec velle, nec posse.* Sed in quibus? Quidquid de accidentalibus, & impertinentibus sit, in quibus fortè maior est veræ Religionis authoritas, quam vulgò creditur, saltem in essentialibus, & substantialibus, veram Religionem non posse mentiri, aut errare, omnes Romani, Lutherani, & Calviniani confitentur. Sed quæ vocantur Substantialia? Respondeo, totam de peccatis, & iustificatione, totam de Sacramentis & medijs ad salutem necessarijs do-

*Quæ sint
substanti-
ales ma-
teria.*

Arinam essentialem, & substan-
tiallem esse; nati enim coelo su-
mus, & sine mediorum securorum
notitiâ ille finis haberi non po-
test. Stat ergo, Religionem ve-
ram (quæcunq; tandem illa sit)
errare non posse in Sacramento-
rum materiâ. Sed progredior,
Fildeus enim in Epist. dedic. trac.
de Eccles. doctissimè me monet
his verbis. *Quid restat hominibus*

*Fildeus satisfactionis avidis in tanti mo-
in Dedic. menti rebus, nisi diligenti indagi-
ne inuestigare qua nam inter
omnium hominum societates est
ista sancta sodalitas Sanctorum, il-
la Fidei familia, illa Christi Spon-
sa, & Dei viventis Ecclesia, qua
est columna, & firmamentum ve-
ritatis, & sic amplectantur confor-
tium, sequantur præscripta. eiusq;
arbitrio adquiescant? Multa, &
ea certissima me mones, sed cur
non ipse suscipis admonitionem?
Adquiesco. Vera Ecclesia, & Re-
ligio quærat. Mente me seque-
re; nam sic sub sumo.*

At Lutherana Religio non est vera : Non est vera Calviniana Religio : sed neque cæteræ, quæ à Romana damnantur : & tamen sola Romana est vera. Ergo omnes, & singuli articuli Fidei, quos Romana proponit sunt veri. Sacramentorum ergo omnium, quæ traduntur à Romana Religione, Materia, Forma, Minister, Valor, &c. sunt vera ; & quæ à cæteris traduntur non sunt vera.

Si probemus minorem, nimirum Religionem Romanam esse veram, probabimus cæteras omnes esse falsas : sibi enim singulæ contradicunt, & binæ contradictoriæ simul esse veræ non possunt. Et quidem, si contra seueros Lutheri Asserctas disputarem, ut puto, non teneremur demonstrare Minorem, quam centies concessit Lutherus, [& præcipuè tom. 4. Germ. Wit. fol. 227. b. & tom. 7. Germ. Ienens. fol. 169. b. ubi ait. *Nos factemur sub Papatu multa esse bona*

Christiana; imò omne bonum Christianum, atq; inde etiam ad nos peruenisse. & mox. Imò dico in Papatu Veram esse Christianitatem, imò Verum nucleum Christianitatis. Vnde Bucerus in præparatione ad Concilium, Planè profitemur, inter præfatos Ecclesia Patres conuenire, primatum habuisse Romanam Ecclesiam super reliquas Ecclesias. Vnde etiam in Rationibus desumptis ex Verbo Dei Iacobus, Romam totius Christiani Regiminis originem, & fontem appellat. At quia multi sunt hodie Lutherani, qui Lutherum non curant, illam Minorem demonstrabo. Igitur, si persuasero Religionem Romanam esse veram, omnes eius Definitiones esse veras consequenter probaui: ergo, & simul euicero omnia, quæ in Sacramentorû materiâ à Nobis dicuntur, esse vera; & omnia, quæ ab Heterodoxis contra ponuntur, esse falsa. Super est igitur, vt illam Minorem probemus.

Tot succurrunt Rationes, vt in librum librosue transiret hæc SVMMA, si singulas ponerem, expenderem, & dilucidarem: eligam pauculas, sed quæ sint faciliores, & fortiores. Faciliores quidem, quoniam vniuersis scribimus, è quibus pauci capiunt Theologicas subtilitates; raro enim eadem subtilia, quæ bona; nam Aranearum telæ subtilissimæ sũt, & tamen nec fortes, nec bonæ ipsæ sunt. Omissis igitur subtilioribus, & eminentioribus conceptibus, quos suo loco expendemus, torosis vtamur ratiocinijs, quorum veritas & efficacia sit tam solida, vt manibus possit palpari.

*Rationes
subtiles
sæpè de-
biles: &
mala sũt*

Prima Ratio:

Fides Diuina à Deo reuelata est. Lutherana à Deo reuelata non est. Ergo non est Fides Diuina. probatur Minor. Quoniam prima, & præcipua eius fundamenta à

*An Lu-
therus fu-
erit au-
ditor &
discipulus
Diaboli.*

ta à Diabolo tradita sunt : & cætera Diabolica Fide subcollantur.

*Legat
pius Le-
ctor Lu-
theri &
Dæmo-
nis di-
sputatio-
nem, &
cæcū me
dicat, si
in inuin-
cibili ad
huc ipse
cæcitate
perman-
at.*

A Vdiueram sæpe obijci Lu-
theranis, non tam Lutheri,
quam Dæmonis esse Discipulos,
& putabam omninò eodem illos
sensu Diaboli discipulos dici, quo
peccatores, & hæreticos cæteros,
qui ducti, & docti asseruntur à
Diabolo. At reperi metaphoram
transire in Historiam; tropum in
veritatem, Lutherumq; tom. 7.
Germ. Witt. fol. 479. b. & tom.
6. Ienens. fol. 82. b. clarè, & ex-
pressè confiteri se vere, & reali-
ter disputasse cum Diabolo, in
disputatione succubuisse, conui-
ctum Diaboli Logicâ Religionem
murasse, & nouum Euangelium in-
cudisse. Sic discorro

Fateretur rotundè Lutherus to-
tam se doctrinam Eucharisticam
didicisse à Diabolo : ergo vel
mentitur, vel non. Si mentitur,
tota Lutherana Religio splendi-
dissimo fundatur mendacio. Si
non:

non mentitur, tota Lutherana Religio fundatur verbo Diaboli. Tam erit igitur illa vera, quam ille verax. At ille mendacissimus est, ergo Religio Lutherana est falsissima.

Fratres, vos alloquitur Petrus, Sobrius estote, & Vigilate. ne velitis plus sapere, quam oportet sapere, sed sapite, ad sobrietatem: vigilate, lex enim diuina Ius est, & Iura non scribuntur dormientibus, sed vigilantibus. Vigilate obsecro, & vestræ salutis inuigilate; quia aduersarius vester Diabolus, tanquam Leo rugiens, *circumcui*, circumuenit, *quarens, quem deuoret*; nō enim deuorari ab eo potest, qui circumueniri non vult ab hoc fallacissimo Leone, *cui resistite fortes in Fide.* Sed cur in Fide? quoniam infidus ipse est; & quia omne agens optat assimilare sibi passum, infidelitatem animabus circumuentis instillat, vt Fidem Fortitudinemque euertat aut eradicet. Attendite

1. Petri
5. v. 8.

Orani nisus hominem Diabolus conatur decipere & perdere.

Fratres, attendite : multa nos docet Petrus paucis lineis. Opponitur infidelitas Fidei, & Fortitudini Fragilitas; & existimo, sicut Fidei comes est Fortitudo, sic etiam infidelitatis esse comitem Fragilitatem. Cesset ergo omnium Hæreticorum pusillanimitas; legem Dei iudicant impossibilem? significationis experts castitatis vocabulum? Liberum Arbitrium esse titulum sine re? Non miror. Carent Fide, & ideo exuberant Fragilitate. Fidem Orthodoxam suscipiant, & inducent Fortitudinem tantam, ut Diabolo aduersus insidiant, & linguâ Lutheri loquenti, resistere possint in Fide.

Porro ego etiam Propositionem, *Doctrina Eucharistica tota, quam Lutherus varijs in locis tradidit, & hodie complectitur Augustana Confessio, fuit reuelata à Diabolo*: si essem Lutheranus, negarem; & si tam clarè probaretur, ut illam negare non possem,

Nota bene.

sem, Lutheranus non essem :
summo enim pudore, & terrore
suffusus, & confusus, putarem
idem esse, à Diabolo duci, quam
seduci.

Hoc unico argumento conuer-
sus fuit Franciscus Walsinghamus,
cuius historiam edidit Henri-
cus Fitz Simon in suæ Britanno-
machix libr. 3. cap. 2. part. 1.
pag. 254. Ego eandem ad paucas
periodos reducam. Feria Sexta
Parasceues anno M. DC. IV. Re-
gi Angliæ Walsinghamus obtulit li-
bellum supplicem in hanc sen-
tentiam, *Si Papisia falsò crimina-
ti essent Christum, & Sanctos eius,
Rex sceleratum genus calumnia-
torum, solito seuerius multari
mandaret: sin è diuerso indelebi-
lis infamia illa esset, Lutheri pra-
cipuam doctrinam à Diabolo ema-
nasse, eandem abiurandi Rex in-
demnem faceret ipsi potestatem.*
Rem examinari iubet Rex. Et
Montaeutus Regius Sacellanus
Lutherum (de cuius apostasiz
autho-

Henri-
cus Fitz
Simon.

Montae-
utus.

authore, & magistro agebatur)
quantumuis Virum sanctum. Et
eruditum, Anglicana Religionis
Authorem non haberi, pronunti-
at; ut vel hinc supersedere pos-
sit à quæstione quæ inquiri, An
fuerit edoctus à Diabolo. alij (ex
Witakerò ad Rat. Cáp. pag. 155.)

Witake-
rus.
Cantua-
riensis
Archie-
piscopus,

Luther⁹
tom. 7.
Germā.
Wit.fol.
479. pag
2. & tō.
6. Ienēs.
fol. 82.
pag. 2,

Nos Lutherum libenter et Patrem
Generamur, dicebant, & Cantua-
riensis Archiepiscopus, quod de
Lutheri Magistro Papiſta aſſerunt,
splendidissimum mendacium esse.
Quæritur liber. Producitur tom.
VII. fol. 479. b. & ibi ad literam
singula reperiuntur. Hærent,
turbantur. Quid possint respon-
dere nesciunt; nihil præter mi-
nas reponunt: non terrent istæ
Walsinghamum, sed nolens persi-
stere in doctrinâ reuelatâ à Dia-
bolo, abiurat hæresin, & redit ad
Ecclesiam Catholicam. Illum se-
quitur Lutherane! & tuo Magi-
stro dicito cum Augustino, Si,
quod dicis, à Diabolo accepisti, Et
Diabolo credidisti, mendax es.

August.
tract. 42
in Iouan.

Sed

Sed Federicus Balduinus Martini Lutheri Hyperaspistes, in libello speciali, vult videri Augustino prudentior doctiorq; , & fatetur *ad quod de Missâ, Eucharistiâ, Ordinis Sacramento, Lutherus dixit, & docuit, à Diabolo verè, & serisò accepisse, Diabolo omnino credidisse; nec tamen esse mendacem, quoniam fas est & ab hoste doceri.* Sed Federice, Stomacho polles fortissimo; hoc enim ego non possem vlllo modo transglutire si transglutirem, non possem vlllo modo concoquere: & tamen tu Lutherum sequeris, quem Diabolum sequi fateris. Diabolus familiarissimus Luthero fuit; cum eo ambulabat, disputabat [Colloquia Mensal. edita Francofurti ad Mœnum. fol. 216. a.] cum eo cubabat, dormiebat, vigilabat, Catharinâ frequentior & duo suggestit: alterum, vt Christum relinqueret [Colloq. Mens. fol. 217. .] alterum, vt Missam abrogaret.

Federicus Balduinus.

An licite & secure aliquis erudiatur à Diabolo?

Luthero Diabolus familiarissimus.

Dilema.

ret priuatam [tom. 7. Wit. fol. 479. & tom. 6. Ienens. fol. 82.]
 vtrumque vehementi rationum,
 & argumentorum insultu. Ergo
*Vel Diabolo credendum est, Vel non
 credendum. Si credendum; Chri-
 stū debuit deserere: si non creden-
 dum, non debuit ab eo Lutherus
 ceteros errores addiscere. Ergo
 Lutherus vtrumque credere de-
 bebat, Vel neutrum: non vtrumq;
 Et videmus: neutrum ergo.*

*An sit ab
 surdum,
 quod à
 Diabolo?*

Addr aliud ratiocinium, quod
 ab ipsomet Luthero desumo Li-
 bro ille de abrogandâ Missâ tom.
 2. lat. Ienens. fol. 444. b. sic ait.
*Quod enim è scripturis authorita-
 tem non habet manifestissimū est à
 Diabolo esse. Sed quid absurdi,
 nisi absurdum sit à Diabolo do-
 ctrinam esse: Ergo teste Luthero
 doctrina, quæ à Diabolo est, ma-
 la est: at eodem Luthero etiam
 teste præcipua Religionis Euan-
 gelicæ Dogmata sunt à Diabolo.
 absurda igitur sunt, & pessimam
 doctrinam continent.*

Sufficiat hæc de Authore Hæreseos Lutheranae dixisse; qui audiunt Zwinglium subdubitantem, An spiritus, à quo fuit doctus, fuerit niger, an candidus? & qui aliorum Hæresiarcharū, aut mēdacia, aut deliria legūt; dignabuntur hanc primam rationem attentissimè considerare. Transeo ad nomen, & Catholicum omnium Populorum consensum. Sit igitur

Secunda Ratio.

Religio vera eadem quæ Catholica. At Lutherana (& idem de Calvinianâ, & cæteris omnibus dixero) non est Catholica; & sola Romana est Catholica. Ergo Religio Lutherana (adde Calvinianam, &c.) non est vera, Probatur Minor, Quia omnium Christianorum consensu Catholicorum nomine soli intelliguntur Romani.

De Religione Catholica.

*Damna-
tur im-
pudens
creduli-
tas.*

august.

*Inuenire
verā Fi-
dem est
facile.*

Math. 5.

Qui cito credit, leuis est cor-
de; vnde colligo, aut Di-
uum Augustinum leuem corde
fuisse, aut istam rationem gra-
uem esse, & quæ virum similem
Augustino conuincat. Ille Epist.
170. *Quàm dolendum est inquit,
ut qui secundum carnem fratres
sumus, non vnâ societate viuamus;
præsertim, quia vobis facile est at-
tendere, & videre ciuitatem su-
per montem constitutam, de quâ
Dominus ait in Euangelio, quod
abscondi non possit. Ipsa est enim Ec-
clesia Catholica, vnde Κατολική
Gracè appellatur, quod per totum
orbem terrarum diffunditur. Hanc
ignorare nulli licet: Ideò secun-
dum verbum Domini nostri Iesu
Christi, abscondi non potest. Et ego,
sanctissime Pater, conuincor. Es-
se volo Catholicus, & quameun-
que acatholicam doctrinam, aut
sententiam detestor. Si Religio
Catholica extra Ecclesiam Ro-
manâ sit, illâ non abiuro? si nulla
Catholica præter Romanam,
in illa*

in illa securissimè maneo, & cæ-
 teras eidem aduersarias detestor.
 Quo ergo modo Catholicam ab
 A catholicis potero Augustine di-
 stinguere? nam facilem esse di-
 scretionè affirmas, & quia Chri-
 stiani omnes hodie non pauca
 difficillima scimus, facilia igno-
 rare non possumus. Sed iam te
 audio: iam rem capio: ad ipsum-
 met nomen recurris & nihil no-
 titiâ nominum facilius est. Con-
 tra Epistolam Manichæi cap. 4.
 Sic inquit. *Tenet me in Ecclesiâ*
ipsum Catholicæ nomen, quod
non sine causâ inter multas hare-
ses sic ipsa sola obtinuit, & cum
omnes Hæretici, Catholici dici ve-
lunt, quærenti tamen Peregrino
alicui, ubi ad Catholicam conue-
niatur, nullus Hæreticorum vel
Basilicam suam, vel domum aude-
at ostendere. Dixisti, Sanctissime
Pater, & multum didici; & à Te
doctus ad Lutheranos ego & Cal-
uinianos orationem conuerto,
Singuli volunt dici Catholici, &
 Apo-

*Efficax
 est hîc
 argumē-
 tū, quod
 a nomine
 communi
 sumitur*

Apostolici, sed volunt, & ab alijs non hoc prætenso illi nomine, sed Lutherani potius, aut Calviniani nominantur. Catholicorum nomen penes Romanos solus est; Augustini argumentum etiamnum vincit. Ergo vel Augustinum, vel omnes Hæreticos accusa, quos est evidens temerè & imprudenter agere, si Augustinus prudenter processisse dicatur. Habitavi in Hæreticorum Ciuitatibus, & hoc proprijs oculis vidi, proprijs audiui auribus quod deberet ab Heterodoxis ponderari. Præter Prædicantem & pauculos qui plus sapiunt, quam oportet sapere, totum Hæreticorum vulgus *Catholicos* vocat Romanos. Ergo si Romani sunt Catholici communi, hoc est, Catholicâ, & omnium Christianorum sententiâ; nulla est assertio magis Catholica, & vniuersalis quam *Romanos Catholicos esse* erit igitur A catholicus, qui illam negauerit. Ergo non excusabit

fabre voluntaria cæcitas in re facillimâ: nam qui volunt conuicti ratiocinio, quo fuit Augustinus conuictus? Laureâ ipsi, quâ redimitur Augustinus, non coronabuntur in cælis.

Hoc argumentum, quod desumpsi à communi & Catholico omnium Christianorum consensu, non solum Augustinum ad Romanam Religionem adduxit, sed & Hieronymum aliosque Patres in Romanâ Religione firmavit. Audiatur Sanctissimus senex; ait enim libro aduersus Luciferianos sub finem. *Breuem tibi apertamq; animi meo proferam sententiam.* [Ecce breuem, & apertam esse ait. quam facilem dicit Hypponenfis Episcopus.] *In Ecclesiâ illâ permanendum est, quæ ab Apostolis fundata, usq; adhuc durat. Sic ubi audieris eos, qui dicuntur Christi, non à quocumq; alio nuncupari, Et puto Marcionistas, Valentinianos, Motinenses, siue Capates [adde Zwinglianos, Luthero-*

Hieron.

theranos, Calvinianos, &c.] scito non Ecclesiam Christi, sed Antichristi esse Synagogam. Ex hoc enim ipso, quod postea instituti sunt, eos se esse indicant, quos futuros Apostolus pronunciauit. Nec sibi blā-

Hoc testi-
monio pri-
ma ratio
firmatur.

diantur [Auditote A catholici] si de scripturarum capitulis videntur sibi affirmare, quod dicūt cum & Diabolus de Scripturis aliqua sit loquutus. & Scriptura non in legendo, sed in intelligendo consistant. Nihil hic addo, hæc enim omnia mihi videntur valdè clara; sed argumentum Augustini & Hieronymi ad hanc formam reduco.

Doctrina qua Catholica & Vniuersalis tenenda est.

At nulla assertio vniuersalior & magis Catholica est, quàm hæc, Romani sunt Catholici: quia, & videmus, illā Romani omnes, & exceptis pauculis, qui mentis sua violentiam inferunt, illam etiam Heretodoxi & Heretici admittunt.

Ergo

Ergo hac Assertio ab omni Christiana.
no tenenda est.

Sed quisquis, vult saluus esse, ante
omnia opus est, et teneat Catho-
licam Fidem; hoc est, et sit Ca-
tholicus.

Ergo, ante omnia opus est, et qui
vult saluus esse, teneat Fidem
Romanam; hoc est, et sit religio-
ne Romanus.

Hæc ratio sola videretur suffice-
re, sed quia Hieronymus in loco
citato etiam ab Antiquitate ar-
gumentum desumpsit, illud placeat
expendere & ad Dialecticas posi-
tiones reducere. Sit igitur

Tertia Ratio.

Christus & Apostoli [quod sal-
tem Hæretici dignabuntur
concedere) fuerunt Catholici, &
docuerunt Religionem veram.
Ergo vel hodie non dantur in
Mundo Catholici quod nemo di-
cet; vel si dantur, dabitur à
Christo, & Apostolis ad ipsos do-
ctrinæ ininterrupta successio.

*De suc-
cessione
Doctrinæ*

C

[Ago

De Suc-
cessione
Episco-
porum a-
getur in
cōfirma-
tione, à
num. 26.

[Ago hîc non de successione E-
piscoporum, sed doctrinæ.] Ergo
Te compellamus Lutherane : à
Christo ad Teⁱⁿ interruptam do-
ctrinæ successionem ostende. Ali-
quos libros sacros è canone con-
fidenter proscribis, & inter alios
Machabæorum Historiam. ad-
mittis alios, sed in dissonos sen-
sus eorundem sententias obtor-
ques. Sed vnde habes non esse
Canonicam Machabæorum Hi-
storiam ? vnde Eucharisticæ con-
secrationis verba reduci debere
ad metaphoram ? vnde cætera ?
Fortè à tuo Prædicante. Et ille ?
aut ab alio seniore ; aut saltem à
Confessione Augustanâ, & eius
Authore Philippo. At Philippus
à quo ? à Martino Luthero, qui
est primum principium Hærese-
os. Quod si altius rem resumere
placeat, ad Diabolum venien-
dum est, à quo Lutherus didicit,
quæ te docuit. Sed à quo noua
omnia Dogmata, quæ vocas *anti-
qua*, Lutherus aut Diabolus ha-
buit ?

buit? Inter te Christumq; dari interruptam doctrinæ successionem non video. Profec̃dò ante Martinum Lutherum aliqui erant in Mundo Catholici, & hi non nisi Romani, qui tamen excommunicationis fulmine condemnarunt Lutherum. Lutherus igitur, siquidem ab illis qui ante ipsum erāt, & dicebātur Catholici, Hæreticus est declaratus, doctrinam ipse suam aliunde habuit, non ab illis. Ergo non potest ex Te Lutherano ad Apostolos, & Christum ostendi doctrinæ interrupta successio. Idem edico Tibi Calvinista: idem cæteris. At penes Romanos est doctrinæ interrupta successio, ergo penes eosdem vera Religio Fidesq;ue. Probatur minor. Quia nullus dabitur Romanus Episcopus, qui nouam, & ab antiquioribus aut etiam cœtaneis condemnatam doctrinam in Orbem Christianū inuexerit.

An Lutherana Religio sit noua?

Quid ergo Lutherani ad hæc? **Q**uod factum est de eorumdem Religio.

ligione, si nouam dicant; actum, si veterem: quoniam sufficit eam esse nouam, vt non sit Apostolica, & esse veterem demonstrare non possunt, cum potius esse nouam clarissime demonstrauerimus. Quid dicent igitur? suam Religionem *nouam* esse. *NOUAM* ipsi? *NOUAM* suam? magnum est pondus veritatis! sed vbi *NOUAM* suam ipsi? vbi nostram vocitant *Veterem*. Nimirum, in Pacis Religiosæ Diplomate, quod à toto Imperio per modum concordia & contractus expeditum fuit anno 1555. Audiatur Virgilius Pingitzerus, & sub eiusdem præsidio Petrus Syringus, & Iustus Springerus, nam & Theses nonnunquam eadem sub eodem Præside etiam apud nos à pluribus solent defendi; omnes sunt Lutherani, & tamen hæc habent Concl. XII.

Vnanimi Procerum totius Imperij Romani consensu, regnante adhuc Inuictissimo Cæsare Carolo, V. & vices eius gerente Fratre, Ferdinan-

Apud Do
minicū
Arumæn
de Iure
publico
volum 2.
disc. 10.

dinando Romanorum Rege, inita
 est illa, nunquam satis laudata
 Religionis Pacificatio, qua non in-
 fesse Germaniæ Palladium dici
 potest; per quam hucusq; viguit, &
 in futurum vigebit Sacro-sancti
 Imperij nostri Maiestas. est autem
 Pax Religionis Senatûs-consul-
 tum, quo Civibus Romanis certa
 Religionis liberè colenda facultas
 limitato modo concessa est à Prin-
 cipe, Electoribus, cæterisque SS. R.
 Imperij Proceribus, seu Patribus
 Conscriptis Augusta Vindelicorum
 Anno MDLV. concordi suffragio
 factum, promulgatum. *ve.* Vide in
 S. R. Imperij Pace Iusta demonstra-
 tâ, num. 152. & 289. Sed quid in
 hoc Diplomata de antiquitate
 vtriusq; Religionis definiuit Im-
 perium? Romanam esse veterem:
 aliam esse Augustanam, hoc
 est, novam, & Augustæ anno MD
 XXX. natam. Legitur enim in
 Pacis Religiosæ §. 2. Imperij sta-
 tus Veteri Religioni adherentes.
 §. 4. à Veteri Religione recesserit.

Quid sit
 Pax Re-
 ligionis?

& iterum, *Veteri Religioni addi-
ctum. §. 7. Status Veteris Religi-
onis.* Ecce igitur à toto Imperio
definitur, Religionem Romanam
esse veterem, & Lutherana nouam:
ergo ab eodem, *Religionem
Romanam esse veram, & Luthe-
ranam esse falsam, quoniam in
Christianæ hodie Religionis ma-
teriâ, Nouitas repugnat veritati.*

Confirmatio.

*De suc-
cessione
Põrificiũ*

CHristus fuit summus Ponti-
fex: eius Vicarius Petrus fu-
it; ab illo ad Alexandrum VII.
qui modò Christi vices agit in
terris, ordine non interrupto
succeditur. Demonstratur ergo
Romanæ Religionis antiquitas, &
nouitas Hæreticarum. Vel si Lu-
therana, Calviniana, aut alia se-
cta non sit noua, ab eo vel illis
qui modo præsent ad Apostolos
vsque ostendatur Superiorum, &
Prælatorum ininterrupta suc-
cessio.

Suc-

Successionem doctrinæ à Pon-
 tificum successionem distinxit;
 quoniam, tametsi utraq[ue] satis
 clarè probetur, & semel probata
 persuadeat nostram Resolutio-
 nem satis clarè; nihilominùs for-
 tiùs videtur successio doctrinæ
 convincere. Utramq[ue] ob simili-
 tudinem coniungo, ut se mutuò
 corroborent. Multos ipsæ He-
 terodoxos convincerunt, & inter
 alios Augustinum, qui contra E-
 pistolam fundamentalem Mani-
 chæi de signis veræ Ecclesiæ dispu-
 tat, & has binas successiones pro-
 ducit. *Multa sunt alia, ait, qua in*
eius [Ecclesiæ Romanæ] gremio
me iustissimè tenent. Tenet [me]
consensio populorum, & gentium
[imò etiam sæculorum, &c.] Te-
net & ipsa sedes Petri Apostoli,
cui pascendat oves suas Dominus
post resurrectionem suam commen-
davit, &sq[ue] ad presentem Episco-
pum [Episcopum] successio sa-
cerdotum, &c.

Augusti-
nus hac
ratione
convinci-
tur.

Mentitur, etiam cum verum dicit, qui decipere vult, nec dignus fide qui fallere velle conuincitur. multa possem adducere, quibus Mendacij Fideiq; oppositionem demonstrarem; sed quoniam certa est, præstat eam supponere, quam examinare. Sic discuro.

Quarta Ratio.

*Lutherus
ex irrita-
tione con-
tra dista-
men con-
cionatur.*

Religio, quæ inuenta, & diuulgata fuit à Viro, qui animum habebat decipiendi, & contra mentem concionabatur, non debet admitti à prudentibus. At Lutherus sciens & volens mentitus, quæ sciebat esse falsa, docebat: Eius ergo doctrina non potest admitti à prudentibus. Et quidem Minorem esse veram, negare nemo poterit, qui fuerit in Libris Lutheri versatus [Idem argumentum formari posset contra alias Hæreticorum Religionés, sed clariùs contra Lutheranam.] Vrhu.

Vt huius ratiocinij efficaciam melius intelligas & sapias, aliquas periodos subscribo.

Lutherus in Colloquio Isleb. de Christo fol. 96. §. 3. *Sape sic mecum cogito. Propemodum nescio, quo loco sim; & Vtrum Veritatem doceam, necne.* Luthers

Ioannes Mathesius plures cō- ciones in vitam Lutheri composuit, quas etiam in lucem emisit. Immoderatis illum laudibus euehit; & quia veritas etiam non quæsitā se insinuat, Concione ipse 12. fol. 147. sic inquit. *Magister Ioannes Musa, Prædicans Rochlizensis narrauit mihi, se quodam tempore admodum dolenter Luthero quæstum esse, quod ipsemet ea credere non posset, qua alijs prædicabat. Tum respondisse Lutherum, Benedictus ergo sis Deus, cum idem alijs, quod mihi & tu venis; adhuc enim mihi solum id & tu venire credidi. Hinc multa consideranda essent; at sufficiat euidenter videre Lutherum, Musam, &c. contra dicta-*

Mathef.

Luthers,
Musa, &
alijs plu-
rimis, con-
cionatur
eadē, qua
non cre-
dunt.

mēn concionare, & suādere populo, quod ipsi non credunt. Multa possem de Prædicantibus testimonia congerere, vt ostenderem nihil eos minus credere, quam quæ vociferantur, at breuitas calamum abripit, ne me vberius in rem minus necessariam diffundam. Redeo ad Lutherum. Appellabant Germani ad Conciliū, vt ibi audiretūr Lutherus: appellabat ad illud Hæresiarcha, sed non seriò, nec ex mente. In epist. ad Pilippum Melancthonē data 20. Iulij 1530 hæc lego;

*Cōtra di-
et amē ad
Conciliū
appellat.*

*Postquam ishæc mēdaciſſima Diabolorum capita ludunt in permit-
tendo (promittendo) Concilium
liberum, sic volo & ego cum eu lu-
dere, voloq; ab eorum somnijs ap-
pellare, ad illud ipsum Concilium,
quod tamen nunquam futurum
est, Et ego interea in pace agam.
Quæ verba Henricus Fitz Simon
in suæ Britannomachix libr. I.
cap. 6. pag. 48. sic exponit; Lu-
dendum est, & illudendum, Et pa-
ce tan-*

certantillâ potiamur; nec scriptu-
rarum aut Conciliorum ratio ali-
ter habenda, quàm cavillandi er-
gò, & imponendi.

Anxius, & dubius ille concio-
nabatur aliquando; & quia scie-
bat Romanam Ecclesiam esse in
possessione pacificâ, quam dubia
impugnare non possent, se Hære-
ricum sciebat, & fatebatur. In
Epist. ad Spalatinum in tom. 2.
Epist. latin. *Hoc corde, quo haec-
nus fui, & modò sum, non fiet,*
inquit, *ut uxorem ducam; non*
quod carnem meam aut sexum non
sentiam, cum neq; lignum, nec la-
pis sim; sed animus alienus à con-
sugio est; cum expectem quotidie
mortem, & meritum Hæretici
supplicium. Et in Colloq. Isleb.
fol. 10. 125. 158. 260. 261. 288.
& sæpe alibi *Istas cogitationes (a-*
git de exortis ab Apostasiâ, &
hæresi curis) nunquam ex animo
demitto, quin optem hanc me cau-
sam nunquam suscepisse.

Se fate-
tur Hæ-
reticum.

Et quia tandem desperatam

*Thomista
resistunt
Luthero.*

causam esse videbat à se assumptam, sese effert, & in furorem raptus libr. aduersus Henricum Regem Angliæ (habetur tom. 2. Ienens. Latin. fol. 520. pag. 2.) sic inquit, *Summus, & viuens Papatius hostis ero. Exustus bis hostis ero, Facite Porci Thomista quod potestis; Lutherum habebitis Vrsam in Viâ, Leonem in semitâ; Undiq; vobis occurret, & pacem habere non sinet, donec ferreas vestras ceruices, & areas frontes contrauerit, vel in salutem, vel in perditionem. Ecce illi stat pro ratione voluntas, & non qualiscunque, sed maleuolentiâ præuenta & perturbata. Tanto ipse odio in Romanum Pontificem arsit, vt Pomeriano teste, adhuc viuus hoc sibi Epitaphium scripserit, *Pestis eram & viuens, moriens tua mors ero Papa; quod tamen vanum fuit varicinium, superest enim, & viuit Papa in cineres verso Luthero, & viuet quamdiu mundus durabit. Hoc odium, erat**

quæ-

*Epitaphium
vni Martini
Lutheri.*

quædam prædeterminatio, quæ mentem Lutheri præmouebat, & præmouendo obnubilabat, & excæcabat; hinc ortum, quod ipse solus saperet se iudice, & omnes Patres reijci deberent eo censore. In libro citato sic ait.

Neque enim quæro, quid Ambrosius, Augustinus, Concilia (etiam hæc?) & sæculorum dicant: nec fuit opus mihi Henrico Rege Magistro, qui hac me doceret, qui adeo pulchrè noueram, ut etiam impugnarim. [Impugnauit igitur, quæ vera nouerat.] Et miranda sit stultitia Sathana [hinc stultum dicit, quem alibi irrefragabilem esse Logicum asserit] quæ ijs me impugnat, quæ ipse impugno, & perpetuo principium petis. Non, inquã, disputo, quid à quoquo dictum sit, vel non dictum, scriptum vel non scriptum sit; sed, An hoc dictum vel scriptum necessarium sit seruatum? An sit articulus Fides? An sit æquale Verbo Dei? An consentiam liget?

*Lutherus
Patres
& Conci-
lia con-
tenuit.*

*Semper
petitur
principiũ
in Diale-
ctica De
abolio.*

Sed & ipse Lutherus contra fal-
sum nominatum Eccles. statum :
& contra Regem Angliæ (vt ha-
betur tom. 2. Witt. fol. 333 *Cer-*
titu- *sum* inquit *Dogmata mea ha-*
tere me de calo. [*Dixerat alibi se*
illa hausisse à Diabolo.] *Non si-*
nam *Vel vos, Vel ipsos Angelos de*
calo, de meâ doctrinâ iudicare.
Angelos. *Cum enim certus de eâ sim, per e-*

am quoq; & vester, & Angelorum
Iudex esse volo. An hic effudit se-
rio ? Nugatur, vt existimo ; cum
tamen serio loquutum suppona-
mus, & videamus vnum, aut al-
terum dogma de quo est securus.

Lutherus Tom. 1. Germ. Wittenb. fol. 273.
negat Iu- §. 3. sic inquit. *Cum tibi venit in*
dicium *mentem Christi Velut Iudicis, qui*
Vniuersa *te villicationis, siue antea acta & sta-*
le & par- *rationes reddere iussurus sit, tum*
ricula re- *pro certo, & explorato habeas, eum*
non Christum, sed ipsissimum esse
Diabolum. Consonat sibi alijs in
locis, & multò clariùs Tom. 2.
Epist. Lat. Isleb. fol. 44. & tom.
6. Lat. Wittemb. in cap. 2. c. 23.

cap. 25. c. 42. & cap. 49. Genes.
 & Tom. 4. Lat. Wittenb. comm.
 in cap. 15. Ionæ & Tom. 2. Lat.
 Witt. fol. 109. b. Vnde hæc pauca
 testimonia describo. *Verisimile*
est, inquit, exceptis paucis, omnes
dormire insensibiles. Iterum: Ego
puto mortuos sic ineffabils, & miro
somno sopitos, & minus sentiant
aut videant, quàm hi, qui aliàs
dormiunt. Iterum: Anima mor-
tuorum nec ingrediuntur in pur-
gatorium, nec in Infernum. Ite-
rum: Anima humana dormit, o-
mnibus sensibus sepulta. Iterum-
que; Mortuorum locus cruciatus
nullos habet. Periodum primam
 sic urgeo. Aut Diabolo creden-
 dum, aut non. Si credendum:
 tota ista instantia obliterari de-
 bet. Si non: tota Eucharistica
 doctrina, quàm à Diabolo Lu-
 therus didicit, debet necessariò
 abiurari. Præterea, si tota fides,
 quâ credimus *finale iudicium est*
 illusio Diabolica. Si errat Ec-
 clesia tota, cùm credit *Iesum*
Christum

Corrobo-
 ratur Ra-
 tioprime

Athanas.

Christum iudicaturum esse vivos,
 & mortuos. Si disipit, decipitq;
 cum symbolū S. Athanasij appro-
 bat, & inquit; *Ascendit* (Chri-
 stus) *ad calos*; *sedet ad dextram*
Dei Patris Omnipotentis, & *inde*
venturus est iudicare vivos, &
mortuos. *Ad cuius adventum*
omnes homines resurgere habent
cum corporibus suis, & *reddituri*
sunt de factis proprijs rationem;
 & *qui bona egerunt, ibunt in vi-*
tam aeternam; *qui vero mala in-*
ignem aeternum: tolluntur virtu-
 tes, & vitia, merita & demerita:
 tollitur præmium, & poena, hoc
 est, tollitur cælum, & infernus,
 & sublato Deo quâ fine ultimo
 fortè manebit Theologia natu-
 ralis, & tota Moralis proscribe-
 tur. Et quidem, quia abyssus abyf-
 sum inuocat, ex hoc errore ali-
 us perniciosior subnascitur, vide-
 licet Articulum illum, quo credi-
 mus *Animam esse immortalem*,
 esse *Luthero iudice, portentum*,
haustum è Romano Berquilino De-
 creto.

cretorum, quod Papa condidit sibi,
 & suis fidelibus. Hinc animosio-
 res redditi Nouatores ceperunt
 de Animæ immortalitate dubi-
 tare. Brentius hom. 35. in cap:
 20. Luc. *Etsi inter nos nulla sit
 publica professio, quod Anima si-
 mul cum corpore intereat, & quod
 non sit mortuorū resurrectio; tamē
 impurissima, & profanissima illa vi-
 ta, quā maxima pars hominū secta-
 tur perspicuē indicat, quod nō senti-
 at esse vitā post hanc. Nonnullis eti-
 am tales voces, tam ebrijs inter
 pocula excidunt, quā sobrijs in
 familiaribus colloquijs. Quibus de-
 clarat, inquit Henricus Fitz Si-
 mon, licet non publicā, saltem
 priuatā persuasione, & licentiā vi-
 tæ, apud Heterodoxos istam in-
 ualuisse sententiam, ipsosq; illam
 vel sobrios interdum profiteri.*

Hæc & alia, cum lego, in eam
 opinionem inducor Lutherum,
 afflictum, & irritatum hominem,
 [quod ipsum de multis eiusdem
 discipulis etiam affirmo] pauca
 scribō.

Lutherus
 egit con-
 tra di-
 scipulos.

seriò aut ex mente scripsisse, ple-
raque ex passione, aut potius ex
perturbatione. Cur enim ipse
quintum Euangelium vocifera-
tur; cur suos instituit, & no-
stros damnat; si post mortem ra-
tio anteaetæ vitæ non exigitur?
Quod si Christus neminem iudi-
caturus est, quâ se fronte repo-
nit, & homines Angelosq; se iu-
dicaturum affirmat?

*Lutherus
quo sine
mèritus?* Contra dictamen loquutum
fuisse Martinum Lutherum dixi,
probauique. Sed interrogas, quo
ille fuerit sine mentitus. Respon-
debo aliquas adhuc ex eo perio-
dos ponendo. Tom. enim 2. Ger-
Witt. in Epist. ad Argentinen-
ses fol. 110. §. 4. & Tom. 3. Ien.
fol. 104. §. 5. sic ait. Hoc sanè

*Spiritus
contra-
dictionis.* cōfiteor: si quis ante quinquenni-
um me docere potuisset in sacra-
mento nihil nisi panem, & Vinum
remanere, quod id in magni bene-
ficij loco habiturus fuerim. Gra-
uissima enim in eo sustinui, meq;
meum torfi [NB] & extremam
misi

mibi vim feci [loquendo, & scri-
 bendo contra conscientiam, &
 dictamen] *ut eam sententiam e-*
vincerem, & obtinere possem; quo-
niam probe intelligebam eiusmodi
ictum longè maximas ad Papatum
prostrernendum vires habere. Et
Tom. 2. Germ. Ien. ad Equites
Teur. fol. 314. §. 3. & fol. 252.
§. 4. Si contingeret per decretum
Concilij Ecclesiastici nubendi pote-
statem dari, tum ego Ecclesiasticis
omnibus loco Dei praefererem, &
nullus ipsorum & decreti illius &
uxorem ducat sub aeterna damnatio-
nis pena: sed potius caste & uat,
aut si hoc non queat, & nam duas
aut tres concubinas habeat, & in
hac infirmitate suâ nequaquam
de Dei gratia desperet. Consonat
sibi libello de formulâ Missæ Ser-
mone 4. post Inuocauit. In D.
articulis: artic. 115- 302. 391.
& ait. Si quo casu Conciliū id sta-
tueret, ac permetteret, tunc mi-
nime omnium nos velle. Et sub-
dit: Imò tunc primum in despectū

Odiū in
Tapam.

An Ec-
clesiasti-
ci debeāt
uxores
ducere.

eam Concilij, quàm Statuti sui Velle-
 lemus, &c. Et iterum; Nullo pa-
 cto sinas te à libertate, in quam te
 Deus posuit, extrahi; sed in eius
 despectum contrarium agas; & di-
 cas, ob id ipsum sanè, quod mihi
 prohibes, ideo in despectum tuum,
 &c. Sic facias in omnibus. Et
 Tom. I. Ienens. Germ. libr. de
 Confess. ad Franciscum Sicking,
 Idcirco fidele consilium meum est,
 ut homo Christianus in quadragesi-
 mâ, & paschate, neq; confiteatur,
 neq; ad hoc Sacramentum accedat,
 ut sic cogitet. Quandoquidem ho-
 mo (Papa scilicet) precipit, ob id
 ipsum non faciam; & si non pra-
 cepisset, facturum essem. Faciam au-
 tem alio tempore, quo ipse non pra-
 cipit, quando, & quomodo me vo-
 luntas mea libera [ergo datur vo-
 luntas libera] impulerit. Et ite-
 rum in formulâ Missæ. Amplius
 dicimus. Si quo casu Concilium
 statueret aut permitteret, utran-
 que speciem, tum minime omnium
 nos Velle utraq; specie potiri; imo
 tunc

eius primum in respectum tam
 Concilij, quam statuti sui vellemus,
 aut utrâ tantum, aut neutrâ; &
 nequaquam utrâque potiri, ac pla-
 nè eos anathema habere, quicumq;
 auctoritate talis Concilij, vel sta-
 tuti utrâq; potirentur. Et quod
 videri debet mirabilius, & mi-
 serabilius, iterum in formulâ Mis-
 sæ tom. 2. Germ. fol. 214. &
 tom. 3. fol. 55. & 275. Elevatio-
 nem Sacramenti sese habere esse ido-
 latricam; sed tamen [NB] eam
 reprobam in templo Wittenber-
 gensi, & agrè facerem Diabolo Ca-
 rolostadio. Ecce tota fides, & do-
 ctrina Lutheri problematica est;
 si ais, negat; si negas, asserit.
 Quidquid sit contra Papam, ut
 verum statim admittet: quod
 ipsum si admittas, ne non tibi
 contradicat negabit. Videtur si-
 bi doctè, & eruditè loquutus, si
 rivalibus suis contradixerit: va-
 ne omnia, quæ hucusque ut Papæ
 contradiceret, dixerat, obliterat,
 et discipulis suis contradicat. Au-
 dio,

Lutheri
 Fides
 versati-
 lis & pro-
 blemati-
 ca.

Argumē.
tū quod
nimium
probat,
nihil pro-
bat.

dio, ait, nonnu illos ex hoc fundamēto Anabaptismum instituerunt. Et Pape molesti sint, quippe qui nihil ab Antichristo habere velint. quemadmodum etiam Sacramentarij nudum panem, & Vinum in Eucharistiā credunt, seq̄ hoc deum modo Papatum deseeturos existimant. Profectò hoc eorum fundamentum est, prorsus nullius rei, neque super illud quidquam boni adificabunt. Nam si hoc iustum sit, oportebit nos etiam negare totam Sacram Scripturam, & predicandi officium (nam hoc totum sine dubio à Papā habemus) oportebit quoq̄ nos novam Sacram Scripturam cudere, &c. Ita in Epist. de Anabap. tom. 4. Germ. Jenens. fol. 320. §. 2. & tom. 3. Witt. fol. 279. §. 5.

Quinta Ratio.

Respubli-
ca bene
instituta

Scriptit olim Insulam Athlanciam Plato; nuper Ciuitatem solis Campanella: alias alij Respubl.

spublicas; da vnum qui aliquam, *non potest*
 quæ careat Tribunali supremo. *carere*
 si aliquis Iustinianus Iura edidit, *Tribunali*
 vi quorum nullus litibus finis *supremo.*
 imponeretur, imprudens omni-
 nò ille fuit. Ergo siquidem A-
 postolicam, & Catholicam Rem-
 publicam fundauit, & instituit
 Christus, omnia illius subordina-
 uit tribunalia alicui vltimo, ali-
 cui supremo, à quo non detur ap-
 pellatio; aut legislator impru-
 dens Christus fuit. *Christia-*
 Et quia im- *na est in-*
 prudens non fuit (nam impru- *stituta à*
 dentem illum dicerem, qui Chri- *Christo*
 stum imprudentem vocaret) Re-
 spubli- ca, quæ instituta est à Chri-
 sto, non caret Tribunali supre-
 mo. At Religio Lutherana caret
 tribunali supremo; supremo eti-
 am Calviniana caret; etiam cæ-
 teræ: & Romana supremo tribu-
 nali non caret: Ergo nec Reli-
 gio Lutherana (ergo nec Calui-
 niana; &c.) est Respublica in-
 stituta à Christo. Ergo sola Re-
 ligio Romana est Respublica in-
 stitu-

*Augustana
Confessio
est doctrina
Lutherana
medulla.*

stituta à Christo. Apud Lutheranam Religionem non dari supremum tribunal constat ex eorumdem varietate, & discrimine. In scriptis Lutheri nihil constans eadem centies asserta centies etiam negata. Et ipsa Augustana Confessio tametsi medulla doctrinæ Lutheranae dicatur anno MD L. XVIII. duodecies iam mutata fuerat, nec datur Iudicium aut tribunal quod ultimum & infallibile sit. Idem de Calvinianis dicendum est. At inter Romanos priuata aliquorum sapientium & proborum sententia, dicitur opinio probabilis: & foret certior, si alicuius Academiæ, aut Nationis Concilij decreto roboraretur: & esse nihilominus erroribus obnoxia, potest, quousque ab Ecclesiâ Romanâ Fidei Articulis adnumeretur. Ergo, siquidem hoc supremum tribunal, character est Ecclesiæ veræ; & hoc ipsum non apud Lutheranos, aut Calvinianos, sed so-

lum

solummodo apud Romanos reperitur : concluditur, alias Religiones esse falsas, & solam Romanam esse veram.

Nec iuuat ad Sacram Scripturam recurrere, illamque in Iudicem Causarum assumere ; quoniam duæ suæ sunt Quæstiones grauissimæ ; altera, *An hæc qua traditur, sit Sacra Pagina ?* altera, *Quomodo sit intelligenda ?* In priore Quæstione, ipsa Sacra Scriptura, rei personam sustinet, nec esse Iudex poterit, nisi circulum velimus addmittere : in posteriori ipsa Iudex non est ; tunc enim controuersia inter expositiones solum est, videlicet, *Antiquius Ecclesia in Generali Concilio congregata authoritas & interpretatio sit priuata cuiuscunque Vetrula, aut rustici stupidi, & ignari, authoritati, & interpretationi anteponenda ?* & quia quotquot priuatum admittunt spiritum, assertiuè respondent, tam euidenter errant, vt audire deberent.

D

quod

quod ille olim, qui interrogauit
Aristotelem, *Essentiae colendi Pa-*
rentes ? cui prudentissimus Phi-
losophus; *Qui de hoc dubitat, in-*
stitutione non eget, panâ eget.

Henri-
cus Fitz
Simon.

Lutheranorum dogmata esse
varia, diuersa, & frequenter
aduersa, experientia demonstrat,
nec pluribus debet suaderi: non
enim vellem adhibere laborem,
& probare, quæ nota omnibus, à
nemine negari possunt. Britan-
nomachiam Henricus Fitz Simo
scripsit eruditissimè, & in toto
Lutheranismo, & Calvinismo ni-
hil esse, quod non fuerit pluries
iam contrariè, & iam contradi-
ctoriè immutatum, magnâ doctri-
næ vbertate, & securitate demon-
strauit. Brevitati ego studeo, &
solummodò subscribam aliquas
Hererodoxorum Authoritates.
Omitto dissidia Lutheranorum,
& Calvinianistarum, illæ enim
fortè ideò excusari possent, quòd
sint inter diuersas sectas. non mi-
ror

ror Caluinium in defensione secundâ aduersus Westphalum pag. 155. inclamasse, *Euangelicos tam virulento in Reformatos crepare odio, ut citius illis pax cum Turcis futura sit, & cum Papistis fraternitas, quam cum Reformatis inducia.* At miror vocari à nonnullis Catholicam (hoc est, Vniuersalem) Religionem, quæ ferè in tot sectas est diuisa, quot capita. Nolo multa producere, satis erit ipsos audire Heterodoxos, quos sequi nequeas, si audire placeat.

Ioannes Pappus contra Stur- I. Pappus
mium apud Schluffelb. in Theol.
Caluin. lib. 1. arg. 28. fol. 153.

Agitur nunc inter nos de omnipotentia Dei, de Vnione personali duarum naturarum in Christo, de communicatione idiomatum, de Christi corpore glorioso, de Ascensione eius in calum, de discrimine Sacramentorum noui, & Veteris testamenti, de Vi, & efficaciam Baptismi, de prerogatiua infantium natorum

ex parentibus, de Cena Domini, de Prædestinatione: &c. de quibus omnibus articulis nemo pius negare potest, magnas inter nos controversias esse. Et tamen hoc ipsum negat Iuellus, ne quidpiam apud Lutheranos sit, quod negari non solet.

Philippus Melancthon in Concil. Théol. part. 1. pag. 249. *Nulla res aquæ deterret homines ab Euangelio (hoc est, Confessione Augustanâ) ac nostra discordia.*

Th. Beza

Beza in Epist. Theol. epist. 1. ad Andream Dudiciû pag. 13. *Exercuerunt me diu, & multum illa ipsa, quas describis, cogitationes: sed quæ? Nostros Palantâs omni doctrina vento, & in altum sublatis, modò ad hanc, modo ad illam partem deferri. Horum qua sit hodie de Religione sententia [NB] scire fortasse possis: sed que eras [NB] de eadem futura sit opinio, nequã tu certò affirmare queas. In quo tandem Religionis capite congruunt inter se Ecclesia,*
qua

qua Romano Pontifici bellum indi-
xerunt? A capite ad calcem si per-
curras omnia, nihil propemodum
reperias ab quo affirmari, quod al-
ter [NB] statim non impium esse
clamitet. Ergo asserente Bezâ, in
hoc conueniunt. A catholicæ se-
ctæ, quòd Dogmatum constanti-
am non habeant, sed diebus sin-
gulis hesternos Articulos Fidei
exauthorent, crastinosque con-
scribant, & substituunt: cuius in
Romanâ Religione contrarium,
ipsimet Hæretici vidêt, licèt cæci.

Osiander ad annum 1583.
Theologi quidam, qui libro Concor-
diæ subscripserant, eumq; approba-
rant, mutatâ sententiâ eum re-
prehendere caperunt, inter quos
erant præcipui Theologi Brunsvi-
censes.

Osiander.

Andreas Musculus in Colloq.
Hertzberg. fol. 91. & 92. fatetur
Confessionem ipsam Augustanam
ab anno 1530. ad 1578. fuisse duo-
decies mutatam. Sed quid debe-
mus intelligere mutationis spe-

Musculus.

Augusta
na Cõfes-
sio annis
quinqua-
ginta fu-
it duode-

D 3.

ciolo.

*cies mu-
tata,*

cioso vocabulo ? versionem, in-
uersionem, conuersionem, per-
uersionem, mutilationem, & de-
pauationem, vt ipsi Lutherani
testantur. Vide Osiandrum apud
Hosium in Anti-Brentio, & Cle-
bitium in victoriâ, & ruina PAPA-
rûs Saxonici. & vide etiam Eccl.
Sciop. c. 10 r. 128. 1

Dresser,

Dresserus in Millenar. 6. pag.
86. fatetur, quod cum anno
M. D. L. VII. Wormatiæ propo-
neretur Lutheranis hæc quæstio,

*Euange-
lici inter
se conue-
nire non
possunt.*

*An. ne omnes vno eodemq; sensu
hanc Confessionem tuers vellent ?*
factum fuerit, vt dissentientes in-
ter se Euangelici, nec ad Pontifi-
ciorum quæstionem respondere
potuerint, neque cum illis con-
gredi. Et similia exempla Amf-
dorcius in Confess. veræ doctr.
Lauatherus in Historiâ sacrâ. Ho-
spinianus in Histor. Sacrâ. part. 2.
fol. 250. & Schultingus tom. 4.
& alij Lutherani producunt. Vi-
de Surium ad ann. 1557.

Zwinl.

Zwinglius tom. 2. com. de ve-
râ,

rá, & falsá Relig. cap. de Euch.
fol. 202. *Retractamus hic, quæ
illic diximus tali lege, & quæ da-
mus anno ætatis nostræ quadra-
gesimo secundo, præponderent ijs,
quæ quadragesimo anno dederamus.*

Cur plura in re tam manifestâ,
& clarâ? Differunt Lutherani, &
Caluinistæ, & alterutri subdiui-
duntur inter se, & in tot sectas,
vt videantur similes Peripateti-
corum Continuo, quod in infini-
tum interciditur. Lindanus Ru-
remundensis Episcopus in suo
Dubitanço, & ex eo I. Bona-
uentura Hocquardus in suo Per-
spectiuo, & alij. Lutheranorum
Sectas nominant, & enumerant;
& præter multas minus notas, &
quæ in incunabulis, aut infantiâ
perierunt, cæteras ad classes re-
censent. Et quidem

Primo loco Puri Lutherani so-
lent poni. Sub illis militant Illy-
ricani, Maiorani, Antonomi,
Mansfeldenses, Osiandrici, Stã-
carij, Musculani Iustificatoriij,

Lindan.
Hocqu.

*Sectæ quæ
pertinent
ad primã
Luthera-
norũ clas-
sem.*

D +

Pict.

Pfeffingeri, Pastillari; quibus addere libet rigidos Confessionistas, videlicet, Samosatonicos, Infernales utrosque, Antidæmoniacos, Amisdorffianos, Antidiaphoristas, Antosiandrianos, Antisuenefeldianos, Anticaluinianos, Manusimpositorios, Bisacramentales, Sacerdotales, Inuisibiles, & alios plurimos.

*Sectæ
quæ ad
secundã.*

Secundo poni poterunt Antilutherani, qui Lutherani remissi, & complectuntur Interimistas, Adiaphoristas, Luther-Ansidrianos, Luther-zwinglianos, Vbiquitarios, Bellianos, Hushusios, Melancthonicos, Frontones, Pneumaticos, Luther-Papistas, &c.

*Sectæ,
quæ ad
tertiam.*

Tertio poterunt poni illi, qui Antilutherani vocantur, qui tamen à Luthero dissentiant, à Luthero habuerunt exordium, & audaciam. Recensebo præcipuos nimirum, Sacramentarios, Zwinglianos, Oecolampadios, Martyrianos, Buceranos, Farel-
listas.

listas Calvinistas, Bezanistas, Boquinios, Richerios seu Marcionistas, Valentinistas, Seruetianos, Alascanos, Căpanistas, Humstedios, Swenefeldianos, Postellanos, Deistas seu Trinitarios, Antimarianos, Anabaptistas, Muntzericos, Apostolicos, Nudipedes, Spirituales, Catharos, Tacentes, Euchtas, Enthusiastas, Adamitas, Mennonitas, Tibbas, Maliapos, Liberos, Adiaphoros, Husitas, Ambrosianos, Augustinianos, Melchioritas, Monasterienses, Clancularios, Manifestarios, Baculares, Scripturarios, Ollarios, David-Georgianos, Batenburgicos, Pacificos, Dostoricidas, Sanguinarios, Ægidianos, Libertinos, Quintinistas, Antichristianos, Dæmoniacos, Dæmonicolas, Epicuræos vel Atheos.

Aliæ etiam Sectæ sunt, quas alij enumerant: aliæ fuerunt, quæ senserunt occasum: aliæ quotidie oriuntur, & vix domi conceptæ vnum vicum inficiunt, & iam

Hilarius
de Tri-
nitate.
libr. 7.

Martini
Lutheri
Gramma-
tica, cō-
temnit
scriptu-

*Catholica volunt vocari; cūm tā-
men nihil certius sit, quā illas
non esse vniuersales. Omnes, &
singula [vtor Hilarij conceptu;
imò etiam verbis.] dum se inuis-
cem vincunt, nihil tamen sibi vin-
cunt, victoria enim earum [nimi-
rūm quæ ex tantā hæreseon va-
rietate, & contradictione resul-
tat,] Ecclesia triumphus ex omni-
bus est, dum in eo hæresis contra al-
teram pugnat, quod in hærese alte-
rā Ecclesia Fides maneat. Omnes
sectæ sunt sibi ipsis contrariæ:
differunt in Canonæ Sacræ Scri-
pturæ; differunt in expositione:
nec omnes eodem modo admit-
tunt Canonicam Lutheri Gram-
maticam, quam tradit tom. 5. Witt.
Latin. fol. 171. b. num. 5. Cōm.
in Psalm. V. & tom. 1. Witt. La-
tin. fol. 147. & 155, Comm. in
cap. 3. ad Gal. vbi ait. *Hac tibi
norma, & regula esto, quam in
Scripturis Sacris intelligendis se-
quaris; [tu attende] Ubicunq;
scriptura iubet bona opera facere.*
vel*

vel aliter in hunc modum: *Tametsi Papisſta ingentem cumulum locorum Scriptura offerant, in quibus bona opera præcipiuntur, Ego nihil curo omnia dicta Scriptura, ſi etiam ijs adhuc plura offerrentur. Tu quidem Papisſta valde faſtidio, & ferocem te facis cum Scripturâ, qua tamen Chriſto & Domino ſubest. Itaq; nihil eâ remoueor. Age ſane; famulo nitere quantum voles. Et quidem hæc Regula admittenda eſt vel non. Si admittitur, ſeriò non agit Chriſtus: ſi non admittitur, ſeriò eſt condemnandus Lutherus.*

Quanta ſit Lutheranorum diſſenſio, & quanti apud ipſos fiat hæc Hæreſiarchæ Regula, clariffimè videmus quotidie. In eundem conuenire locum Euangelici ſolent, at rarò in eandem opinionem vel dogma. Carent credendi Regula; vt ideo in eorundem Comitia tot confluunt Religiones, quot capita. Alia poſſem producere, ſed placuit Colloqui-

ras illas q̄
in ſenſum
contrari-
um obtor-
quet.

Dilēma.

Collo-
quiū Al-
tēburg.
Impreſ-
ſum fuit
Ienæ in
4. ann.
1569.

um Altenburgense ponere; nam in ipso [à 20, Nouembr. 1568. ad 9. Maij 1569.] Electorales Theologi, Paulus Eberus, Henricus Salmuth, Andreas Freidhub, & Gaspar Cruciger Iunior contra Lutherum statuunt opera requiri ad salutem. Sequuti sunt Maiorem, qui libro contra Amsdorfium cap 2. anno 1552. operum necessitatem admittit. Stant à Luthero Theologi Ducis Saxonix, Ioannes Wigandus, Ioannes Fridericus Cælestinus, Chrystoporus Irenæus, &c. Et sèper stat Lutheri doctrinam non stare: sed in tot diuidi & subdiuidi sectas, vt numerum personarum exæquent.

Hæc sufficient, vt hoc Argumentum formemus.

Religio vera debet esse certa, constans & conformis.

At Lutherana, Caluiniãna, &c. nî certi habent; sunt difformes, inconstantesq, & sola Romana sibi constat & retinet antiquam doctrinam, &c. Et

Ergo nec Lutherana, nec Calviniana, nec aliqua alia A catholica Religio est vera. Ergo sola Catholica, hoc est Romana, est vera.

Consequentia est legitima: Minor iam clarè ostensa: Maior ab omnibus admiffa, & præcipuè à Luthero tom. 7. German. Witt. fol. 561. dicente; *Ecclesia non debet nec potest mentiri, nec falsum docere; nec in unico quidem capite.* [NB] Si petas rationè, hanc subdit. *Esse nimirum Ecclesiam Dei os; & Deum nec decipi, nec decipere posse.*

Confirmatio. I.

<p>Christus Rempublicam Christianam instituit; sed quæ est hodie diuisa in multas sectas, & singulæ se vocant <i>veras</i>; cæteras <i>falsas</i>. Vade igitur cognoscere poterò, quænam inter centenas Religiones sit illa, quam Christus instituit? Rationem fortissi-</p>	<p><i>Institutor Respu- blica, nõ imprudēs sit, omnia ad finem media necessaria con- cedit.</i></p>
--	---

D 7

max

cedite

mam posui: illam confirmo. Pro-
 nuncio, Ecclesiam in quâ Christi
 Institutio conseruatur, esse ve-
 ram; cæteras omnes esse falsas.
 Ergo, cùm finis Institutionis fue-
 rit vita æterna (nam de hoc ne-
 mo mortalis dubitat) inuesti-
 gandum est, An Christianis suis
 Institutor omnia necessaria con-
 cesserit ad æternam salutem; nõ?
 Et si non, an quia noluerit, an
 verò quia non potuerit? Chri-
 stum necessaria Christianis suis
 cõcedere potuisse statuo; est enim
 Deus, omnipotens & infinitus.
 Addo & concedere voluisse; quia
 summè alias esset imprudens, si
 posset, & tamen nollet necessaria
 concedere. Addo, & dedisse; hæc
 enim consequentia, *Potus: Volus:*
Ergo fecit: iudico infallibilem es-
 se. qui enim finẽ intendit, omnia
 adhibet necessaria vt assequatur
 illum, nisi imprudens, aut stupi-
 dus sit, quod de Christo Domino
 dici non potest. Tunc sic. Con-
 cessit Christianis à se institutis,
 Chri-

*Qualis
 hac cõse-
 quentia
 sit: vo-
 luit: Ergo
 fecit.*

Christus necessaria ad salutem: ac inter alia necessaria est infallibilis & certa cognitio earum rerum, quæ requiruntur necessitate mediij (ideò enim de mediij necessitate esse dicuntur, quòd eis omis- sis, etiam si ex ignorantia omit- tantur, tunc habebitur æterna vi- ta, cùm finis non positus medijs) Ergo Reipublicæ à se institutæ Christus concessit aliquem cer- tum, & infallibilem modum asse- quendi veritatem saltem in con- trouersijs, quæ de illis disputant, quæ de necessitate mediij, esse ne- cessaria dicuntur. At eiusmodi certus, & infallibilis inueniendæ veritatis modus, nec apud Luthe- ranos, nec apud Caluimianos, nec apud vllos alios A catholicos est: atqui est apud Catholicos seu Pontificios: Ergo Pontificiorum Ecclesia illa est, quam mundi Sal- uator instituit.

*Quid sit
rem esse
de neces-
sitate
medij.*

Semel demonstrato Ecclesiam, seu Reipublicam institutam à Christo, in essentialibus, & sub-
stan-

*De his
qua re-
quisita
sunt ex ne-
cessitate
præcepti.*

stantialibus errare non posse; hæc est habere privilegium ab Instituto concessum, vi cuius in notitiâ rerum quæ necessariæ sunt de necessitate mediij errare non possit: facili negotio ad ea quæ sunt de necessitate præcepti & ad ea quæ sunt accidentalia posset consequentia deduci, partim asserens, & partim negans: sed quia hæc ipsa deductio minus est necessaria, vel maiore molimine pertractari deberet, ab eâ impræsentiarum supersedeo, Veritatemque Romanæ Ecclesiæ ab alijs motiuis confirmo.

Confirmatio. II.

*Rationis
præcedē-
tis inuer-
sio.*

ARguebam sic [Ecclesia vera in Articulis substantialibus Fidei errare non potest; At Ecclesia Romana est vera; Lutherana & Calviniana non sunt veræ: Illa igitur in substantialibus Articulis errare non potest; istæ possunt.] Hanc eandem rationem
verto

verto, & ad alium modum, & figuram reduco. Sic discuro: [Religio vera in Articulis substantialibus Fidei errare non potest: At Religio Lutherana (& idem de Calviniana, & cæteris A catholicis dixero) errare potest, imò solet. Ergo non est Religio vera. Minorem probant omnia Lutheri scripta, quæ multa, & varia sunt, in quibus nullus est articulus Fidei, qui non asseratur, nullus qui non negetur, aut expresse, aut implicite. Minorem firmat ipsa Augustana Confessio toties mutata (hoc est, versa, conuersa, inuersa) Minorem ipsæmet Ioannis Caluini Institutiones, quæ sæpè prodierunt alteratæ. Eandem confirmat quorumcunq; Theologorum hæreticorum, aut etiam ciuitatum collatio, in singulis enim angulis, diuersimodè creditur, & Libri singuli, diuersam (imò aduersam) complectuntur doctrinam.

Quia

*Perspe-
ctivum
Hocquar-
di.*

Qui omnes velit Lutheri con-
tradictiones colligere, debe-
ret eius omnia rescribere; vix
enim quidpiam ab eo assertum,
quod non etiam ab ipso negatum.
Multas contradictiones, & men-
dacia collegit P. Bonaventura
Hocquardus, Ordinis Minorum
Strictioris Observantiae Reforma-
torum, in erudito illo Opere,
quod *Lutheranorum & Caluini-
starum Perspectivum* inscribitur.
Articulo enim vigesimo-tertio
istum præfigit titulum, *Contradi-
ctiones à Martino Lutero, Luthe-
ranorum Prophetâ, Evangelistâ
Coryphæo in diversis rebus etiam
maximè Fides, commissæ.* Illasq;
expendit à paginâ 374. ad pag.
934. nimirum per paginas 560.
quæ ad librû complendum suf-
ficerent Calvinistarum contra-
dictiones, & inconsequentias di-
lucidat, & enumerat Henricus
Fitz Simon toto illo libro, qui
inscribitur, *Britannomachia Mi-
nistrorum in plerisque, & Fides*
Fun-

*Henrici
Fitz Si-
mon Bri-
tannoma-
chia*

*Fundamentis, & Fidei articulis
dissidentium.* etiam ego paulò antè.

Etiam alij doctissimè, & eru-
ditissimè. Hanc ob rem nolo hic
multum hærere, sed supponere
esse tam evidens, ut à Luthera-
nis nec possit nec soleat negari.

Sexta Ratio.

JN verà Religione sunt Sancti; Quam
sit Patrie
& sancto-
rum Re-
ligio.
ita ut vitæ sanctitas, & Religio-
nis veritas, videantur adæquatè
conuerti: illa enim, & sola Reli-
gio, quæ habet sanctos est vera;
& illa vnica & sola, quæ est vera,
sanctos habet. At omnes illos
veteres, quos colunt Heterodo-
xi, sunt Romani, & in suis nouis
sectis nullum habent, qui sit fue-
rit-ue conuersationis inculpabi-
lis: ergo Religio Romana vnica,
& sola, vera est; & cæteræ men-
daces, & falsæ.

LVterus, & Melancthon Ge-
lasium, Pium & Gregorium Santi quæ
ab Hære-
ticis cin-
summos Pontifices: Chryso-
stomum,

satur sūt
Romani.

mum, Irenzum, Cyprianum, Ambrosium, Hieronymum, Augustinum in Augustiana Confessione producunt, licet immeritò; & eorum testimonijs totam suam doctrinam roborare conantur. Calvinus tametsi multos alios alléget, solo Augustini testimonio contentus est. At isti omnes sub Ecclesiâ Romanâ militarunt. Ergo Hæretici, cum Viros Sanctos, & Illustres quærent, non nisi ad Romanam Religionem recurrunt. Et libr. de votis Monachorum [habetur tom. 2. Lat. f. 480. b.] Bernardum, Franciscum, Bona-venturam, & alios *Sanctos* nuncupat. Videamus igitur quos qualesque Sanctos habeant sectæ Catholicæ.

Quis &
qualis fu-
erit Lu-
therus?

Incipio A Martino Luthe-
ro, Religiosus fuit, & Apostata; duxit in vxorem Catharinam Boram Monialem: perditissimè vixit; & in ebrietate mortuus est. Erasmus Epistola ad Godenium eum sceleratissimum fuisse ex-
cius.

eius scriptis collégit. Nos ob oculos ponimus hæc paucula.

In colloqu. Francofurt. 1571. fol. 445. suum Genium, & mores depingit. *Nihil singulare, ait, in Estâ meâ eminet. Possum socari, potare, frontem exporrigere, ridere: sumq; commodus, & facetus consuator; cumq; Enum bira sine cerusia cantharum teneo, statim dolium ipsum totum concupisco; sapiusq; bene bonum haustum facio in Dei gloriam. Pro eo itaq; quod prius macerabam corpus meum, mox cum mortuus, & in capulo positus fuero, Vermibus Genetricosum beneq; crassum Doctorem escam dabo. Et usque aded genio, & inertiz indulgit, ut in colloqu. Isleb. de Fanaticis dixerit, Ego Ignarus non ita sum affectus, Papa ut canisâ meum osium, cibum, potum, & recreationem velim corrumpere: imò neque Christi causâ illud velit; ait enim. Si calum apertum considerem, idq; culmo stramineo de terrâ sublata mereri possem, cul-*

Fuit E-
briosus &
vorax;

Ignarus &

rei diuina con-
tempere;

myra

Immun-
dus vita
& cala-
mo.

num nequaquam sellem tollere.
O summa Germani Evangelistæ
deuotionem! & quo tandem to-
ta ista doctrina pretendit? Ille,
coramuis ad mortem, ait, potamus
ad egestatem & ad infernum dor-
mimus. [parcaut modesti oculi &
aures] & simus, addit (forte
mingimus) pedimus, cacamus,
denique ad mortem. Vide colloq.
Isleb: de Fanaticis fol. 356. §. 2.
& de creatione fol. 59. §. 5. &
de mundo fol. 70. §. 5. & postilla
Domin. 9. post Trinit. fol. 124.
Quod si adhuc mirabiliora lege-
re placeat, recognosce Breuiss.
annotat. in cap. 15. Matt. tom 5.
Latin. Witt. ibi enim ait, *Omnis
Sanctitas consistit in cacando, &
mingendo.*

Generaliora hæc sunt; sed quæ
sufficiunt vt hominis impietatem
noscamus. Veniamus ad specia-
liora. Quanti ipse totam primam
tabulã fecerit, constat ex formu-
lã. missæ: tom. 2. Germ. fol. 214.
& tom. 3. fol. 55. & 274. vbi ait,
Ele.

Cetera di-
scamen
ait.

Elevationem hostia esse idololatriam, & hanc se permisisse eo tantum sine, & Carolo stadium vexaret. Et ut vides errat in fide, & contra dictamen, & conscientiam procedit, ut vel sic torquere possit corrualem. Et apud Henricum Fitz Simon ait, *Doctore Staupitio saepe confessus sum, non de mulierosis, sed vero atrociam, & solida facinora: & hinc constat quanti fecerit secundam tabulam.*

Atrociam peccata committit.

Hæc est Lutheri pietas, & sanctitas; & quia agens intendit assimilare sibi passum, hanc eandem in suos magno concionum, & librorum apparatu, & molimine inspirat. Tom. 2. Latin. Witt. fol. 74. §. 4. docet *unicum esse peccatum, solam videlicet infidelitatem: eum qui credit, peccare non posse: & sui oblitus, suadet ut sint peccatores, & peccent fortiter.* Ibidem in colloq. de peccato edit. Isleb. fol. 130. b. vrget, *ut blasphemias, parricidia, Dei contemptum, adulteria, &c. confidem.*

Omnia peccata, si excipiatur infidelitatem, negat.

*fidenter committant. Et tom. 4.
 Germ. Witt. fol. 305. §. 5. exi-
 stimat eos esse germanos, & veros
 sanctos, qui fortibus, & atrocibus
 peccatis obnoxij. Et vt vno ictu
 omnia tollat peccata, Tom. 1.
 Germ. Witt. comm. in cap. 5, ad
 Galat. fol. 273. & tom. 5. Germ.
 Witt. fol. 112. Et in colloqu.
 Isleb. de Fanat. fol. 369. Nos pro-
 fus, inquit, nec debemus, nec volu-
 mus pati vel vnicam Moysis legem,
 aut vnicum preceptum ceruicibus
 nostris imponi. Et iterum: Ita
 omnino manifestum est, Iudaei
 tantum, non nobis data esse decem
 precepta. Et tandem: Tollantur
 de medio decem precepta Dei, &
 cessabunt omnes haereses: nam de-
 cem precepta sunt fons, ex quo ve-
 lut ex scaturigine haereses omnes
 emanant: &c. Et tom. 1. Epist.
 edit. Ienæ fol. 345. in eundem
 scopum mirabiliter dialecticatur
 Si vera est gratia, ait, verum, non
 fictum peccatum fert: cum Deus
 non faciat saluos fictos peccatores.*

Ergo

Ergo fortiter peccandum est, vt
veri peccatores simus.

Obedierunt tam bene Prædi-
cantes huic legi, vt apud omnes
exosi, & infames euaserint: & vt
illos excusat Lutherus, ad necessi-
tatem recurrit. In postillâ Eccl.
Dominic. 4. & 26. post Trinit. &
in cap. 46. Genes. *Bene habet,*
inquit, *Cape; furare; rape, quod*
lubet. Veniet tempus, cum Versâ
Vice prada tua alijs pradonibus
prada erit. Consonat sibi alijs in
locis. Inquit alibi: Tamesi pes-
simo sane loco sint res nostra, cum
omninò Prædicantes furari cogamur,
nilominus alacriter in no-
mine Domini furari possumus.
Omninò enim Urbani ciues, & a-
gricola, cum quid nobis dant, se
velut furibus, & pradonibus illud
dare persuasum habent. Et alibi.
Breuis rursus eo rem redire oport-
tebit, vt probi, sinceri, ac fideles
Prædicantes, calibem Vitam du-
cant, & alienis vxoribus, ac filia-
bus Vitantur; qua cum erga ipsos
E bene

*Furta &
Adulter-
ria præ-
cipit aut
permittit*

*bene affecta fuerint, etiam mariti,
ac patres eos diligere cogentur.* Ita
ille tom. 2. Germ. Witt. ad c. 31.
Genes. fol. 215. §. 3. & in colloq.
Isleb. de Prædicantibus fol. 235.
§. 4. Vide Britann. lib. 2. cap. 2.
num. 5. & Henricum Fitz Simon
in Britannomachia lib. 3. cap. 5.
part. 10. pag. 342. Ecce his duo-
bus locis Lutherus furtum, & a-
dulterium suadet excusatq; æquè
impia, ac ridicula fundamenta
ponendo. Videtur voluisse Ethni-
cismum à Græcis transferre ad
Germanos, nam in Gentilium li-
bris interdum legimus *fures ab
ingenio laudari*; & Aristoteles
inter alia falsa, & absurda, loco
axiomatis habere voluit, *Bonum
esse adulterari cum uxore Tyranni
tempore belli.* quod ipsum inter
Philosophica posuit exposuitque
Monfortius pag. 49.

*Ioanne 5
Calvinus
Sodomii.*

Hæc de Luthero & Lutheranis
breuiter dixisse sufficiat: aliquid
de Caluino, & Discipulis eius di-
camus. Fuit Presbyter Nouiodu-
nen-

nenſis: captus conuinctuſquè de infando crimine; fuerat adiudicatus igni. ni interpoſitus fuiſſet imprudens amicorum fauor. Leniuntur Iudices, & ſententiã miſſiore ſignatur lilio Gallico, & ciuitate pellitur. Si dubites, lege Cochlæum, alios-ve, qui Hæreſiarchæ huius miſerabilem vitam mortemque literis commendarunt. *Absit*, ait Beza, *& Caluiniſmum inter Sanctos referam*: eundem alij adſcribunt perditiffimis: & mirum eſſet tam multa, & execrabilia falſo dici, voluiſſeque Deum Mundum reformari, & inſtitui ab homine Liliato, & nefario.

Sub Hæreſiarchis iſtis multi Prædicantes perierunt; quorum ſcleratiffimam conuerſationem noſcunt ipſi A catholici, apud quos ſunt execrabiles & intolerabiles.

Whitgiftus in ſuã deſenſ. à pag. Whitg. 31. ad 51. & clariùs pag. 278 *Eccleſia noſtra plena eſt Atheiſtis.*

ta: publica ſententiã damnatus & liliatus.

Parkes,

Parkes in Epist. dedic. Apol.
*Ha contentiones nostra (licet Bar-
 lous, & Episcoporum fautores,
 omnia inter nos pacata esse di-
 cant, nobis persuadere conentur)
 non minima sunt ad Atheismum
 praparationes.*

Sandes.

Eduinus Sandes in Relat. num.
 45. iuxta editionem anni 1605.
 Nostræ lites ad Atheismum au-
 gendum domi, & Machomethi-
 simum foris vehementer faciunt.

Couell.

Couellus in modesto, & rationa-
 bili examine pag 179. iuxta edi-
 tionem Londinensem anni 1604.
*Quacunq; irrepsertunt profanatio-
 nes in Ecclesiam nostram, quacunq;
 Sabbati Violationes, quacunq;
 irreuerentia erga diuinas, sine con-
 cionibus preces; breuiter Athesf-
 mus, & Hypocrisis in omnibus or-
 dinibus huius Regni, Puritanorum
 impio despectus, Libri publicarum
 precum, accepta referantur.*

Kingus.

Kingus Londinensis Episcopus
 super Ionam sect. 32. pag. 442
*Tam sumus nos Peregrini operi-
 bus,*

bus, & fructibus penitentia, & quid significet penitentia; & sic intelligamus. Adeoq; procul abest, & veri simus Israëlita cum Natanaele, aut ex parte Christiani cum Agrippâ, & potius conuincamur esse perfecti Athei. Et quod Tullius inter natura portenta retulit, in quâdam regione ex siccitate cœnum, & ex pluuia pulueres suscitari; in nos Verè quadrat, apud nos abundantia gratta peperit abundantiam peccati. Et sicut aliqui ex lege arripuerunt occasionem maioris nequitiæ, sic iniquitas nostra nunquam fuisse adeò luxuriosa, nisi ex Euangelij exuberantiâ.

Qualis
si Re-
formato-
rum pie-
tas & sã-
ctitas?
Qualis
Anglia?

Barlous conc 21. Sept. 1606. Barlous.
Religio in Angliâ ab annis multis
conuersa in statismum, breuis tran-
sibit in Atheismum.

Richardus Ieffreus in concio- Ieffreus.
ne habitâ Londini 7. Octobris
ann. 1604. Liberè eloqui passum,
quod manifestè vidi in meis sene-
ribus, & adnotans ex quibusdam

Quale
Londinũ.

discursibus : Nunguam in Belgio
maiores ebrietate, In Italiâ ma-
iorem Luxuriam, in Iudaâ maio-
rem Hypocrisim, in Turciâ maio-
rem impietatem, in Tartariâ ma-
iorem iniquitatem, quàm in An-
gliâ generaliter, speciatim Verò
Londini esse in usu.

Qualis
Genuea.

Tale est Londinum asserente
Richardo, at vix est umbra Gene-
ue, de quo occini solet hoc di-
stichum.

Furum & Latronum atq; impiorum &
nebulonum, (fuit.

Natura hinc posuit, quidquid ubiq;

Sic vulgus : cui apud Bezam
in libro, quem *Sicofantem* inscri-
psit, ad stipulatur Castalio dicens :
[Vocans *Genueam* Ciuitatem San-
ctam ; *Conuenticulum* Verò suum
Ierosolymam : at nos dicimus, O
Babylon, Babylon ; ô Ægypte, ô
sacrificuli Ægyptij, & Babylonici
Incantatores.]

Caluinus de scandalis [iuxta
edit. Galic. ann. 1560. in qua-
tern. K. i. a. b. & iuxta editio-
nem

nem Latin. pag. 65. 66. 118. 127.
 128. aduersus Geneuenſiū Ad-
 ministros hæc habet. *Quidam*
miri ſunt ad captandum Artifices.
Humaniter excepti, ſpoliatis ho-
ſpitibus, fugâ dilabuntur. Alij an-
cellas ad flagitiū pellunt; ipſasq̃
ſine ſcrupulo coniuges ſollicitant.
Alij mutuò petunt quantum vale-
ant, quod nunquã reddaturi ſunt.
Alij deposita ſibi & ſurpant: &c.
Ipfimet Paſtores turpiſſima ſunt
nequitiæ, vel malorum aliorum
exempla: &c. Et tales ſcilicet in
contemptu ſe eſſe apud plebem, aut
etiam ludibrij cauſâ, digito de-
monſtrari queruntur. Ego Verò
potius miror [NB] vulgi pacien-
tiam, quod non eos luto, & ſter-
coribus mulieres, ac pueri operiunt.

Omnes
 prædicā-
 tes ſunt.
 Vafre In
 varias
 claſſes
 distribu-
 untur.

Et vt aliquem nominatim no-
 temus, producam Authorem A-
 nonymum, in extracto Reſponſi-
 onis ad edictum, qui ait; *Agit de*
Domini Walters Raleschi Scholâ
Archeſmi: Et etiam de Mago e-
iuſdem Inſtitutore: & de diligen-

Raleich.
 Atheus.

riâ in infatuandis Iunioribus A-
licis ibidem impensâ: In quâ scho-
lâ Moyses, & Christus Dominus
cum Veteri nouoq; testamento ha-
bentur ludibrio, docenturque in-
ter reliqua Discipuli, inuersè De-
um pronuntiare [nimirum, faci-

endo ex God Deo, Deg Canem]
God, De
us Dog,
Canis,
Fuit Walterus captus, & in tur-
rim Londinensem inuectus; vbi,
quia vexatio intellectum immu-
tat. ex Atheismo formali, ad vir-
tualem (hoc est ad Calvinismû)
redijt, teste Henrico Fitz Simon
in Britannomachia libr. 1. c. 12.
pag. 114.

An apud
Hetero-
doxos sūt
Sancti?

Sed reponet aliquis Hetero-
doxus, etiam apud Nos scelerato-
ros homines reperiri, & apud E-
uangelicos, & Reformatos, mul-
tos Sanctos. Cum lachrymis con-
cedo illud prius, & nego rotundè
hoc posterius. Non arguebam sic:
*Religio Vera illa est, qua nullos im-
probos habet; Romana nullos im-
probos habet: Ergo Romana est Ve-
ra.* Sed sic omninò. *Religio ma-
la*

*la certè est, que nullum Sanctum
 habet; Lutherana, Caluiniana, &c.
 nullum Sanctum habent: Ergo istæ
 Religiones sũnt mala, & nomine
 Sancti illum intelligo, qui fuerit
 non iam in aliquâ virtute morali
 clarus, sed in omni; qui fuerit
 inculpabilis vitæ, & similis Au-
 gustino, Bernardo, Francisco,
 Bonauenturæ, & alijs qui Ponti-
 ficij fuerunt, & ab ipsomet Lu-
 thero, & alijs Hæreticis vocan-
 tur Sancti. Postulamus nobis de-
 signari vel vnum, qui vitæ sancti-
 tate [aut etiam miraculis, & re-
 uelationibus] fuerit illustris, &
 tamen vixerit extra Ecclesiam
 Romanam: & ostendimus duo;
 alterum, eos omnes, qui apud He-
 terodoxos coluntur, esse nostros;
 alterum, apud ipsos reperiri non
 paucos modestos, pacificosque,
 Sanctum verò, & inculpabilis
 conuersationis; nullum, nullum.
 Et quod mirabilius omninò est,
 eorundem Patriarchas, Marti-
 num Lutherum, & Ioannem Cal-
 uinum*

vinum fuisse homines perditissimi-
 max vitæ, nec dignos qui Discipu-
 los habeant. Quod ipsum fatentur
 quotquot ab utroq; seducti,
 nolunt enim Lutherani, aut Cal-
 uiniani dici; nam pudet illos
 talis nominis. Consentiant ipsi-
 met Prædicantes, & inter ipsos
 ille, qui ante annos pauculos in
 Palatinatu ab Illustrissimo D.
 Comite de Rebolledo, Gubernato-
 re Comitatus, rogatus, An Lu-
 therum Calvinumq; esset admis-
 surus, si in mundum reduces illi
 vellent adhærere, aut conuiuere.
 Sincerè respondit coram me,
 eiusmodi Pacis publicæ pertur-
 batores repulsurum, seque
 nec Lutheranum, nec Calvinia-
 num, sed Christianum purum, &
 reformatum esse.

Septima Ratio.

*Quanam
 sit Reli-
 gio que
 Veris mi-*

VEra miracula à solo Deo
 possunt fieri; ea enim quæ
 à naturâ sed rariùs fiunt, & ea
 quæ ab Angelis, & Dæmonibus
 po-

*raculis
claret ?*

possunt, non vocantur vera miracula. Cùm igitur Deus non possit mentiri, non poterit miraculis Deus falsam doctrinam confirmare. Ergo solum in Religione vera reperiuntur miracula. Atqui apud Lutheranos, Calvinianos, &c. cessant miracula, ut ipsimet confitentur: apud Pontificios non cessant. Ergo isti proculdubio sunt in Ecclesiâ & Religione verâ, illi in falsâ.

Audant Augustinum Hæretici, sanctissimū doctissimūq; illum solum ducem habere volunt, & cæteros Patres rejiciunt, Ergo stent vel semel consequentiæ doctrinæ, & S. Augustinum sequantur. Sic arguo. [septima hæc Ratio secundum Augustinum est evidens, & demonstratiua, & cui solus contumax resistere possit, vir sincerus, & prudens dare manus, & cedere debeat. At vos vultis sequi Augustinum: Ergo sicut ille, sic etiam vos, de huius

*Pleriq;
Hæretici
dicunt se
insistere
Augustini
doctrinae.*

rationis efficaciam iudicare debetis. Probo Maiorem producendo unam aut alteram periodum ex Augustino de sign. Eccl. contr. Epist. fund. cap. 4. ait enim: *Omittens sinceram sapientiam, quam in Ecclesia esse Catholicam non creditis, multa sunt alia que in eius gremio [NB] me iustissime tenent. Tenet consensus populorum, atque gentium [hodie autem inter sectarios nulla datur consensus] tenet auctoritas miraculis inchoata, spe nutrita, charitate aucta, vetustate firmata [& tamen hodie cessant miracula apud Heterodoxos, quae apud nos frequentissima sunt. Spes illorum in praesumptionem transit. exauthoratur Charitas, & iustificatio peccatoris soli Fidei adscribitur. Et tandem eorundem Religio non vetustate (concepta est enim anno 1517. nata anno 1530.) sed mera novitate firmatur] tenet ab ipsa, &c.*

Apud Hetericos, quae capita, rot sunt sententia.

Miracula.

Hugo
Victor.

Hugo de S. Victore, & ipse
Pon-

Pontificis, Deo generosè loquitur, & ait. *Domine: si* (per impossibile) *decipimur, à Te solo decipimur: ea enim qua tenemus, & credimus, fundantur miraculis, & prodigijs tantis, qua non poterunt patrari nisi à Te. Si verba formalia non dedi, sensû dedi.*

Dicunt Hæretici apud se esse supremum Tribunal, quoniam apud ipsos est Sacra Scriptura, quæ est Regula omnium veritatum. Et quia multi sunt qui loquuntur hoc modo, sit

Octava Ratio.

Vel datur in Orbe Christiano authoritas, & infallibilis censure, quæ discernat Libros Canonicos à Non-canonicis; vel non. Si non datur, nulla datur Religio quæ sit certa, & per consequens nõ datur Fides diuina; quæ enim incerta Fides est, Catholica, & diuina non est. Vel dicito, Quam ego certitudinem habere poterò,

*De Librorũ Canonico-
nicorum
distinctione & discretionem.*

si duos libros habeam, & nesciam, an utrumque, an neutrum, an alterum dictauerit Deus? Ergo ante omnia debet statui Librorum reuelatorum Canon. Sed vnde ille statuatur? Ex Ecclesie definitione; si stemus doctrinae Augustini tom. 6. contr. Epist. fund. cap. 5. dicentis; *Ego Euangelio non crederem, nisi me Catholica Ecclesia commoueret auctoritate*: & si stemus nouae Sectariorum doctrinae, ex ipsamet Sacra Scriptura, Sed male hinc: *Quoniam, si nihil credendum est, nisi quod in Sacra Scriptura est, nihil omnino credendum est, quod in Sacra Scriptura est; quia non debetis credi hos libros, quibus vtimur, esse Sacram Scripturam, quoniam eos esse Sacram Scripturam, non est in Sacra Scriptura*: Vel date testimonium indubitatum, in quo dicatur quinque Libros Moyseos, quibus nos vtimur, & non fortassis alios, quibus non vtimur esse Sacram Scripturam. Tunc sic. In Religione Catholica,

Argumentum a contradictione.

licâ, & verâ, datur infallibilis au-
 thoritas distinguendi Libros Ca-
 nonicos à Non-canonicis : At
 hæc Authoritas non est in Sacrà
 Scripturâ, vt ostendimus. Ergo
 neque apud Lutheranos, Calui-
 nianos, &c. qui nihil admittunt,
 quod non sit in Sacrà-Scripturâ.
 Ergo hæc authoritas est in Roma-
 nâ Religione tantummodò ; nam
 exclusâ Lutherânâ , Calvini-
 ânâ, &c. sola remanet ; & quæ-
 stionem, quæ examinat, An hic
 vel ille liber sit Canonicus? Con-
 cilio generali, hoc est, toti Ec-
 clesiæ committit.

Vel dicito, An non esset im-
 prudentiæ summæ arguendus,
 & accusandus Iustinianus, aut
 alius Legislâtor quicumq; ; qui
 talem Rempublicam instituisset,
 in quâ non esset modus certus,
 & politicè infallibilis, leges ve-
 ras à legibus adulterinis, & fi-
 ctis discernendi. At hodiè quæ-
 ritur, Quot, & quinam sint li-
 bri Iuris Diuini, Ergo vel Res-
 pu-

*De Iure
 apocrypho*

publica Christiana habet modum certum, & diuinitus infallibilem hanc controuersiam decidendi; vel fuit imprudentissimus Christus. Non hoc, nisi blasphemus esse vel is: Ergo Reipublicæ à Christo institutæ concedendum Tribunal est, in quo certitudine diuinitus infallibili decidatur, quinam libri à Deo dictati sint; & qui non sint? Atqui hoc Tribunal non penes Lutheranos, non penes Calvinistas, &c. Sed penes Romanos solum est; Ergo vnica Ecclesia Romana est Reipublica, quæ Christus condidit.

SI semel unicuique liceat libros quos velit admittere, & quos velit à Canone sacrorum proscribere, tota tollitur de medio Religio, & qui dubitat, legat sequentia.

Lutherus in 2. præf. Noui Test. Et tom. 1. nouor. oper. edit. Lips. ann. 1603. Et in serm. de Pharisæo & Public, ibid. *Abolenda*

lenda est falsa illa opinio, quod sint
 quatuor Euangelia. Nam Euang-
 gelium Ioannis est vnicum, pul-
 chrum, verum, ac principale Euan-
 gelium alijs tribus longè anteponen-
 dum. Et ibidem: S. Ioannis Euan-
 gelium, & prima Epistolarum;
 Epistola Sancti Pauli, imprimisq;
 Romanis, Galatis, & Ephesijs
 scripta; tum prior S. Petri Epi-
 stola; eiusmodi sunt libri, qui tibi
 Christum intento velut digito
 demonstrent, omniaq; te doceant,
 qua festu sunt necessaria. Sed cur
 ceteros libros Canonicos reijcit?
 Quia in ceteris clariùs eius er-
 rores cõdemnantur; nam & hos
 fuisset reiecturus, si in ipsis ali-
 quid præuidisset suæ præten-
 sæ Religioni aduersarium. Antepo-
 nit ceteris Ioannem, & vt ait,
 quia parum ille de operibus Chris-
 ti scribit: Admittit & libros nõ-
 nullos, & vt ait, quia in ipsis
 non multum audis de operibus
 Christi: & quis Lutero dedit
 constituendi Canonem autori-
 tatem

An den-
 tur qua-
 tuor Eua-
 gelia?

Cur ali-
 quos Li-
 bros Lu-
 therus ex-
 punxi vo-
 luerit ex
 Canone?

tatem? Respondet in Apocal.
 editionibus prior. Bibl. *Deus*
quidem spiritus in eo acquiesce-
re non potest. Quisquis vero re-
liquorum Scripturas has tanti fa-
ciat, quanti cuius spiritus sunt
dictabit. Hæc Lutherus; & quia
 abyssus abyssum inuocat, Buce-
 rus apud Sanderum de Schism.
 Anglic. Libr. 2. pag. 272. *Si*
quidquid Euangeliste tradiderūt,
verum habeatur, Christus verè,
et realiter, est in Sacramento.
sed utrum teneamur absolutè cre-
dere quidquid ab ipsis est tradi-
tum, verum sit, an secus, Index
esse nolo. Si non in omnibus, sed
in aliquibus, solummodò creden-
dum est Euangelistis, in quibus
quæso? & cur non in omnibus?
 Lutherus in colloquijs Isleben-
 sibus de tentationibus fol. 286.
Apostoli etiam ipsi peccatores fue-
re, et insignes magniq; nebulones;
nempè Paulus. Petrus quoque
Christum negavit, quod erat fa-
ctus hominis improbi. Willerus in

An Enā.
 geliū sit
 de fide:

Medit. super Ps. 122. pag. 91. de
Hokero, & Couello hæc scribit.

*Aiunt inter alia Christum origi-
naliter non esse Deum, Scripturas
non esse media quoad Deum, omni-
um que vtiliter creduntur, Scri-
pturas solas non sufficere ad ater-
nam felicitatem, Verbo Dei non
constare quod sit Verbum Dei. Vo-
luntatem naturaliter quodcumq;
sibi obiectum sinè supernâ gratiâ
appetere, vel respuere posse: conse-
quenter sinè gratiâ opera morals-
ter bona naturaliter edere, que
Deo sint grata. &c.* Et quidem
de Verbo Dei non constat apud
Heterodoxos, quod sit Verbum
Dei: adeoq; tota eorundem Re-
ligio ab aère pendet. At apud
Catholicos constat de verbo Dei,
illi enim Euangelio credimus,
quod esse dictatum à Deo pro-
nunciat supremi Tribunalis au-
thoritas.

In uento Librorum diuinorum
Canone, adhuc quæritur quo
sensu intelligi debeant, aut non
debe-

In textu
certifi-
cane diuino
incerta
expositio-
nes solen-
asse.

Et apud
Pradicā-
tes præ-
cipue.

debeant. Sed quis erit Iudex, & Doctor? Anne vnusquisque Prædicans in vico suo? In sermone de Hierusalem negat Lutherus. *Neg. & ides, ait, durissimam plagam Des, quâ nos puniit per innumeros falsos fratres, & sectas, quas nobis vndequaq; immittit? qui tam secure prædicant, perinde ac si Spiritum Sanctum penitus deuorauerint. Et quos velut omnium optimos existimauimus, isti nunc homines & q; adeo dubios reddunt, vt penè ignorent omnino, quid facere, vel omittere debeant. Nam, vt addit tom. 5. Germ. Witt. fol. 114. comm. ad cap. 3. Gal. Prædicantes eò omnem operam conferunt, vt omnia argumenta contra ipsos allata illudant, & scripturarum loca commentarijs suis expositionibus adulterent. Ergo semel concesso textum aliquem esse Canonicum, adhuc possunt occurrere, duæ expositiones aduersæ, quarum altera verax, & altera commentitia sit.*
Sed

Sed quis certò, & infallibiliter
commentitiam à veraci distin-
guet? Prædicantes? *Nec ratio-
nibus conuincuntur, quia non in-
telligunt, nec auctoritatibus cor-
riguntur, quia non recipiunt;
nec suasionibus flectuntur, quia
subuersi sunt:* inquit Bernar-
dus Serm. 66. in Cantica. Quis
ergo? Sacra Pagina? Minimè.
Eius enim est semel idem tenor,
& nisi illuminaremur ab Ecclesiâ,
adsequi veram intelligentiam nõ
possemus. Sit igitur

Nona Ratio.

OMnia aut ferè quæ hodie in
Sacramentorum materiâ di-
cunt Hæretici, potuerunt esse ve-
ra de potentiâ absolutâ, & tamen
sunt falsa, inquiunt Romani: De-
us enim qui septem Sacramenta
instituit, potuit pauciora, & talia
qualia Lutherus aut Calvinus
protrudunt. Addunt Hæretici,
omnia aut ferè, quæ à Romanis
dicuntur esse possibilis; Deus
enim

*Multa
que docent
Hæretici,
sunt pos-
sibilia, fal-
sa tamen*

enim quo duo vel tria Sacramen-
 ta constituit, plura potuit. Er-
 go tota nostra disputatio Quæ-
 sitionem de facto concernit. Po-
 no in exemplum ista verba : *Hoc
 est corpus meum* : potuit tale Sa-
 cramentum instituere Deus, in
 quo panis in corpus Christi mor-
 taliter, virtualiter, significatiuè,
 aut aliter conuerteretur : potuit
 tale, in quo esset physica, & rea-
 lis conuersio : & si fecisset alter-
 utrum, potuisset adhuc forma
 Sacramentalis constare eisdem
 omninò verbis. Ergo hæc positi-
 o. *Hoc est corpus meum*, si stare-
 mus primæ hypothese, deberet
 metaphoricè intelligi; si secun-
 dæ, realiter, & historicè. Ergo
 manentibus iisdem omninò ver-
 bis, mutaretur sensus, & suppositio
 : Ergo ex verbis non potest
 colligi, vtro modo Christus Sa-
 cramentum Altaris instituerit :
 Ergo errant omninò Heterodoxi
 eum supponunt nihil debere cre-
 di nisi quod est in Sacra Pagina
 & ad-

& addunt consecrationis verba intelligenda metaphoricè. Errant inquam omninò, quia illa debere aut non debere sic intelligi, non est in Diuinâ Scripturâ. Ergo recurrendum est ad auctoritatem supremi Tribunalis quod doceat, an illa historicè, an verò metaphoricè debeant intelligi.

Negat hanc vltimam consequentiam Hæreticus, & ad spiritum priuatum recurrit: & dupliciter errat. Primò, quia non potest soluere hunc Syllogismum, *Nihil credendum, aut tenendum, quod in Sacrà Scripturâ non sit: At priuatum singulorum spiritum esse controuersiarum Iudicem in Sacrà Scripturâ non est: Ergo priuatum singulorum spiritum, esse controuersiarum Iudicem non est credendum, nec tenendum.* Secundò, quia paradoxus, & ridiculus est, cùm sublimium mysteriorum intelligentiam vnus anùs dictamini, & censuræ subij-

*Triuatus
Bibliſta-
tū ſpiritu*

subijcit. *Cōfirmatur.* Veritas semper eadem est; & Spiritus-Sanctus, cū sit prima veritas, contradicere sibi non potest. At Spiritus priuatus sibi quotidie contradicit: Non est ergo Spiritus-Sanctus. Probatur minor primò, Quia non dabuntur duo Hæretici, qui eodem modo Fidei mysteria intelligant. Secundò, Quia non assignabitur vnus, qui totâ vitâ eodem modo crediderit. Zwinglius, quæ hoc anno scripsit, altero confutauit: Lutherus eadem asseruit, & negauit: Confessio Augustana pluries mutata est: Angli, Scoti, & alij multi, quæ heri ad Fidem pertinere dicebant, hodiè esse impia, & blasphema proclamant. Ergo euidens est, summis obnoxium esse erroribus hunc priuatum spiritum, ac propterea eundem non esse Spiritum-Sanctum. Ergo euidens est Christianos, vt Catholici sint, debere ad spiritū Catholicum, & communem recurrere;

rere; & verā scripturæ Interpretationem haberi debere ab Ecclesiā. Confirmant hæc omnia. Sacræ literæ. 2. Petr. 2. 15. *Hæc primum intelligentes, quod omnis propheta scriptura propriā (privatā) interpretatione non fit 2. Corinth. 12. 19. Nunquid omnes interpretabuntur: Omnes Paule, si stemus Luthero, & Caluino; ac si stemus doctrinæ Pontificiæ, non omnes. Et tandem Ezech. 13. 3. multò clariùs. *Va Prophe- tis insipientibus qui sequuntur spiritum suum, hoc est, privatum. Quem igitur sequi debuissent: Catholicum, & vniuersalem.**

Hæc ita clara, & certa sunt; ut Lutherus diuersis in locis Ministrorum, & Prædicantium suorum spiritum privatum irrideat: & meritò: nam & ipsi eodem iure spiritum privatum Lutheri. Sermone de Hierusalem ait, *suos Administros esse falsos fratres, Et tamen tam securè prædicare, ac si Spiritum Sanctum penitus*

nitus deuorauerint, & eorundem doctrinam sua esse perplexam & dubiam, Et quid credere aut de- credere debeant auditores ignorent. Et Epist. ad Antwerp. quæ habetur tom. 2. Germ. Ienes. fol. 101. Tot sunt, inquit, inter nos Religiones, quot homines [Nota id benè] Nec asinorum (hoc nomine suos Prædicantes honorat) quisquam est tam hebes, & vecors, qui insomnia proprii capitis, & propriam opinionem pro instinctu Spiritus Sancti, & seipsum Prophetam haberi nolit.

*Priuatus
Bibliſta-
rum ſpi-
ritus non
ſolum eſt
falſus,
ſed & ri-
diculus.*

Patet igitur hunc priuatum spiritum, tam esse ridiculum, & improbabilem, vt seridè deſſendi non credam; illo enim admiſſo erit Regula Fidei priuata, & præuenta voluntas. Nam vel omnis, & quæcunq̃ue Anus nullà adhiberâ diligentia intelligit aſſequiturq̃ue verum Sacræ Paginæ ſenſum; vel requiritur aliqua diligentia. Si nulla debeat diſpoſitio præmitti, duo ſequentur; al-
terum,

terum, omnem vetulā esse Theologam, & sublimia intelligere, cum tamen constet experientiā eandem sæpe esse stupidissimas, & ignorantissimas; alterum, omnes vetulas eundem Textum eodem intellectu modo, quod iterum est contra experientiā. Si requiratur aliqua dispositio, rogo, vnde scias illam debere præmitti? vnde scias illā positā mentem diuinitūs illuminandam? Nam vel hoc ipsum scis à Sacrà Paginā, vel aliunde. Si aliunde; humanitūs scis, falli potes. Si à Sacrà-Paginā; vnde scis in primo actu te adhibuisse debitam dispositionem. Ergo ibitur in infinitum, vel in arenā debebitis ædificare. Sic discorro. [Pone illuminari à Spiritu Sancto omnem, & solum hominem, qui orat sicut oportet. Pone Doctoreæ sumpto ientaculo Spiritum priuatum dictare illuminari hominem coelitūs, qui post ientaculum sensum Sacræ Scripturæ

*Hæretici
semper
petunt
principium,
&
circulo
vitioso
laborant.*

pturæ examinārit. An ideò esse
 secura poterit, & Fidei mysteria
 interpretari? Nullo modo. Quid
 si illa sic discurrat: Qui post ien-
 taculum legit, intelligit: Ego
 post ientaculum lego: Ergo in-
 telligo? Quid si maiorem di-
 cat veram, quod sibi in mentem
 venerit post ientaculum? Impli-
 cabitur circulo euentissimo, &
 dum petit principium, delira-
 bit. Ergo de alijs medijs pari-
 formiter philosophabor. Et quia
 exemplis iuor, hoc propono.
 Maior, ceber Prædicans, asse-
 rit *Opera ad salutem requiri*; &
 hoc, dictante eius spiritu. Et
 Margaretha, eius ancilla, sequu-
 ta suum spiritum reponit, *Non
 requiri*. Et inquirō, An in vtro-
 que loquatur Spiritus Sanctus?
 Nam, si in vtroque, sibi Spiri-
 tus-Sanctus contradicit. Si in
 altero; in vtro, obsecro. Vter
 igitur alteri consentire debeat;
 ancillæ herus, an contrā? Stabis
 fortassis pro ancillâ. Cur ergo
 in Mar-

in Margarethâ Deus loquitur, in
 Maiore non loquitur? Vterque
 orauit inquit; at sola Marga-
 retha, vt oportuit. Sed vnde scis
 quamcunque animum, si oret sicut
 oportet, infallibiliter illuminan-
 dam tantâ luce, vt cuiuscunque
 textus veram intelligentiam af-
 sequatur? Et vt hoc scias, vnde
 tu, vnde illa scit se orauisse vt
 oportet: & herum non orauis-
 se, vt oportet? Res est euidentis;
 in quâ esse debet, aut formaliter
 Hereticus, aut mente-captus;
 qui enim cæcus non sit, trans-
 glutire non poterit has nugas,
 quæ *spiritus prauatus* vocantur.]

E Gimus de authoritate Specu-
 latiua, & Definitiuâ, quâ su-
 am Christus decorauit Ecclesi-
 am: oportet pauca de Practi-
 câ & Imperatiuâ subscribere, vt
 videatur nō totam Ecclesiæ Ma-
 iestatem in merâ speculatione
 consistere, sed & concessam ei-
 dem esse practicam soluendi, &

ligandi potestatem. Vtraq; au-
 thoritas, & facultas expressis Sa-
 cræ Scripturæ testimonijs dilu-
 cidari poterit, & præcipue Spon-
 si affectibus, qui leguntur in
 Canticis. Vnum contrario Aylo
 expono. Fauet, inquam, Spon-
 sus Sponsæ linguâ, & animo; ait-
 que, *Oculus tus columbarum, absq;*
 Cant. I. *eo, quod intrinsecus latet. Quod*
 d. Cant. *sic intelligo. [Pulchra es Sponsa*
 4. a. *mea; oculis diuinissimis conde-*
coraris: columbinis, benignis,
sinceris, perspicacibus. Lynx es
qui remotissima me reuelante
intelligis; Aquila es, quæ subli-
missima penetras alis ingenij,
quod in obsequium veritatis re-
uelatæ captiuas. Et hæc dixero
speculatiuâ specie tuâ, & pulchri-
tudine tuâ, præscindens ab illâ,
quæ intrinsecus latet. nimi-
rùm à practicâ & imperatiuâ.
Hæc fruens intende prospere
procede, & regna: tibi enim spe-
ciali priuilegio concedo, vt quid-
quid ligaueris in terris, sit in
 celo

cælo ligatum; & quidquid sol-
ueris in terris, sit etiam solutum
in cælis.] Sic inquam sponsi vo-
cem, & sententiam intelligo, &
me bene eandem intelligere, &
interpretari demonstrat.

Decima Ratio.

IN Sacrà Paginâ Sabbathi ob-
seruatio præcipitur, & rigore
tam graui, vt Deo iudice vltimâ
sententiâ plexus fuerit, qui li-
gna colligebat sabbatho. At ho-
die nulli sabbathum Christiani
obseruant, omnes enim Domini-
cum Diem celebramus. Omnes,
inquam, quoniam Lutherani,
Caluinistæ, & cæteri nostræ æta-
tis Hæretici operantur publicè
Sabbatho, & Die Dominico à ser-
uilibus ministerijs abstinentes,
Diuinis officijs intersunt. Igitur
vel totus Orbis Christianus pec-
cat, impœnitensque in volunta-
te sceleratâ sordescit; aut licitè
iussit non obseruari sabbathum,
& loco illius Diem subrogari:

*De obser-
uatione
Sabbathi
& insti-
tutione
Diei Do-
minici.*

Dominicum. Ergo est in Ecclesia authoritas tollendi antiqua, & imponendi noua festa. Ergo est authoritas imperatiua & præceptiua. Ergo sicut illi in festorum designatione obedimus, in cæteris præceptis debemus.

Vt hanc ipsam rationem bene intelligas, paucula volo testimonia citare.

Exodi 31. c. *Videte; Et sabbathum meum custodistis; quia solum est inter me, & vos in generationibus vestris: Et sciatis, quia ego Dominus, qui sanctifico vos. Custodite Sabbathum meum, sanctum enim est vobis: qui polluerit illud morte morietur. Qui fecerit in eo opus, peribit anima illius de medio populi sui, sex diebus facietis opus; in die septimo sabbatum est, requies sancta Domino: omnis qui fecerit opus in hac die, morietur. Custodiant filij Israël sabbatum, & celebrent illud in generationibus suis. Pactum est sempiternum inter me, & filii.*

Et filios Israël; signumq; perpetuum: sex enim diebus fecit Dominus calum, Et terram, Et in septimo ab opere cessauit. Cui testimonio alia potes subscribere, quæ habentur Gen. 2. 2. Exod. 20. 8. Num. 28. 11. Hierem. 17. 21. &c. Hæc lego; hæc relego; & video seuerissimè legem hanc ferri: & si tantum insistatur literæ, illa verba, *In generationibus suis, &c. Pactum sempiternum, &c. signum perpetuum, &c.* innuere legem fore perpetuam sempiternamq; , & in quâ dispensari non possit. At hodie, nec à Romanis, nec à Lutheranis, nec à Calvinianis, nec ab alijs Sabbathum obseruatur; & hæc cultus omisso non est peccaminosa: Ergo iam non obligat illa Diuina lex. Sed vnde habet, quod nullum Christianum obstringat: Inde omninò: quod Deus iusserit festa obseruari, sed festa determinari ab Ecclesiâ voluerit, quæ ob rationes grauissimas ab-

*Et tamen
hodie non
obserua-
tur:*

rogato Sabbatho, Dominicum & alios dies Festos substituit. Videant igitur hîc, quid velint Lutherani, aut etiam Calviniani reponere. Nam obseruantia sabbathi obligat, aut non obligat. Si primum, [quod, tametsi traditione Apostolicâ coli diem dominicum fateatur, tenet Vrsinus in doctrinâ Christi. p. 775. & 777. Petrus Martyr in c, 16. Corinth. 1. & loc. comm. Angl. Zanchius de S. Scrip. pag. 123. 124. iuxta editionem anni 1593. Thomas Bellus in Surueij pag. 17.] omnes nos omnes ipsi delinquimus, & cùm errorem nostrum defendimus Catholicâ, hoc est, vniuersali iniquitate, & pertinacia laboramus: si secundum [quod mordicus defendunt Whitgiftus in suâ Defens. pag. 89. Fulcus cont. Rhe. Test. fol. 463. Cartwirghtus apud citatum Whitgiftum pag. 89. Willetus in Synopsi pag. 431. Bullingerus in Decad. Angl. pag. 140. & quæ
maior-

maioris est authoritatis, nam è multis Prædicantibus coalescit, Geneuensis Ecclesia, in prop. & princip. pag. 80.] ergo datur in Ecclesiâ practica, & imperatiua potestas, quâ Deus quæ olim immediatè disposuit, hodie eadem dirigit per. suos Vicarios.

Confirmatio

PRæcipitur in sacrâ Paginâ ciborû aliqualis discretio; quæ tamen hodiè non obseruatur. Ergo aut dicturi sunt Heterodoxi, se quotidie aut ferè hanc Diuinâ violare; aut dari etiamnum in Ecclesiâ potestatem. & authoritatem dispensandi in omni præcepto Apostolico. Si dispensandi, etiam ferendi Apostolicas leges: idè enim dispensare hodiè potest, & solet summus Pontifex, quia eandem hodiè habet potestatem, & authoritatem, quam olim habuit S. Petrus, cuius est in Apostolicâ dignitate successor.

De discretione ciborum.

ET vt confirmatio hæc meli-
 us intelligatur, Apostolicam
 Historiam produco. Actorum
 cap. 15. d. Notum est à saculo
 Domino opus suum, propter quod
 Ego iudico non inquietari eos, qui
 ex Gentibus conuertuntur ad De-
 um; sed scribere ad eos, vt absti-
 neant se à contaminationibus si-
 mulachrorum, & fornicatione,
 & suffocatis, & sanguine.
 Et mox, ponitur Apostolorum,
 Seniorum, & Catholicorum
 cæterorum Epistola, cuius
 tenor fuit talis. *His, qui sunt An-
 thiochia, & Syria, & Cilicia, fra-
 tribus ex gentibus salutem. Quo-
 niam audisimus quia quidam ex
 nobis exeuntes, turbauerunt vos
 verbis, euercentes animas vestras,
 quibus non mandauimus; placuit
 nobis collectis in vnum (vide quan-
 tæ sit authoritatis, & potestatis
 Ecclesia in vnum collecta) elige-
 re viros, & mittere ad vos cum
 charissimis nostris Barnabâ &
 Paulo, hominibus qui tradiderunt*

animas suas pro nomine Domini
 nostri Iesu Christi. Misimus ergo
 Iudam, & Silam, qui & ipsi vo-
 bis verbis referent eadem. Visum
 enim Spiritus sancto, & nobis nihil
 ultra imponere vobis oneris, quàm
 hac necessaria, ut abstinatis vos
 ab immolatis simulachrorum, &
 sanguine, & suffocato, & fornicatione;
 à quibus custodentes vos, bene
 ageris. Valete. Hic vos mor-
 tor. Præceptum est, & latum à
 Spiritu-Sancto, ab Apostolis, à
 Senioribus, à totâ primitivâ Ec-
 clesiâ [*Visum est Spiritus-San-
 cto, & nobis*] & præceptum obli-
 gatorium [*non dicunt consulere,
 sed imponere*] & de rebus omninò
 necessarijs [*hac necessaria*], ergo
 interdictus est esus carniûm suf-
 focatarum, & sanguinis. Sed quis
 hodiè apud vos hanc legem di-
 uinam obseruat? Nullus omni-
 nò; nec tamen singulorum omis-
 sio arguitur temeritatis, quia ho-
 diè non obligat hæc lex. Sed
 cur hodiè non obligat? Quia
 eadem.

Sanguis
 & caro
 suffocata
 interdicitur,

Et tamen
 hodie li-
 citè co-
 meditur
 vtrumq;

eadem autoritas, quæ olim fuit
in Ecclesiâ, perennat etiam nunc:
& sicut tunc visum fuit Spiritui
Sancto, & Ecclesiæ sanguine, &
suffocata interdicerè, mutatis
temporibus, & circumstantijs: vi-
sum fuit demum eidem Spiritui
Sancto, & eidem Ecclesiæ in pri-
ore præcepto dispensare, nouum-
que addere etiam circa ciborum
discretionem, vi cuius obligamur
hodiè determinatis diebus absti-
nere à carnibus, & ieiunare.

*Virtus in
medio.*

EXtrema omnia sunt periculo-
obnoxia; & vt vidimus vni-
uersales Hæreticorum positiones,
multo errore laborant. Duz sunt,
quæ indigebant examine. I. *O-*
mnia, quæ sunt in Sacrà Paginâ,
seruari debent. II. *Quæ non sunt*
in Sacrà. Paginâ, fieri non debent:
priorem esse falsam iam vidimus,
[multa enim, quæ in Sacrà Pa-
ginâ, sunt Ecclesiæ præcepta, in
quibus hodie potest, & solet Pon-
tifex dispensare: vt in observa-
tione:

tionē sabbathi & abstinentiā à sanguine, & suffocatis probatum est.] & ex negatione prioris, sequitur posterioris negatio. Consideretur.

Undecima Ratio.

Aliqua sunt in Sacra-Paginâ, quæ tametsi olim fuerunt præcepta, hodie non obligant, propter commutationem, & dispensationem Ecclesiæ. Ergo in multis eidem à Deo commissa est authoritas dispensandi & commutandi. Atquæ eius positâ commutatione id debet fieri quod loco rei præceptæ subrogatur, quod tamen non est in Sacra-Paginâ. Aliquid ergo debet fieri, quod non est in Sacra-Paginâ. Hanc consequentiam ultimam demonstrat observantia diei Dominici, quæ recepta est à toto Orbe Christiano, nec tamen est in Sacra-Paginâ. Hanc eandem consequentiam Ecclesiæ Traditiones

De præceptorum Ecclesiasticâ commutatione.

*An debe-
ant Infā-
tes ba-
ptizari.*

persuadent, nam hodiè Euangeli-
ci, & Reformati (sic dici volunt)
Infantes suos baptizant, cùm ra-
men demonstrare non possint in
toto nouo Testamento vel vnum
infantem baptizatum.

*Debent
admitti
Traditio-
nes ?*

PORRò in veteri testamento
multæ erant leges non scri-
ptæ, quæ per traditionem conser-
uabantur, & rigorosè obserua-
bantur. [Legi poterunt Deut. 32.
Psalm. 43. Psalm. 77. Isaïæ 38.
Ecll. 8. &c.] ad nouum venio, &
non omnia fuisse scripta demon-
stro. Ioannes cap 20. *Multa quor-
dam, & alia signa fecit Iesus, qua
non sunt scripta in Libro hoc. &
cap. vltimò. Sunt autem, & alia
multa, qua fecit Iesus; qua si
scribantur per singula, nec ipsum
arbitror mundum capere posse eos,
qui scribendi sunt, libros. Et in
Epist. 2. cap. 5. Plura habens
scribere, nolui per chartam, & a-
tramentum; spero enim me futu-
rum apud vos, & os ad os loqui.*

Et

Et Paulus 2. ad Theff. 2. *Fratres; state, & tenete traditiones, quas accepistis, siue per sermonem, siue per Epistolam nostram.*

Quod si hodie aliqui Lutherani Traditiones reiiciant, non solum ipsi à Sacra-Scriptura, sed etiam à Luthero recedunt; ipse enim Epistolâ ad Albertum Brandenburgicum, Prussie Ducem [quæ habetur Tom. 2. Germ. Witt. fol. 243. b.] Sic ait. *Testimonium totius Ecclesie sancte, tametsi nihil aliud haberemus, solum nobis sufficere deberet ad reiicendos fanaticos spiritus: nam periculosum, & horrendum est, quidquam audire vel credere contra vnanimem testificationem, & doctrinam totius Sancte Ecclesie Christiane, que inde ab initio per annos mille quingentos vnanimiter seruauit. Qui enim de eo dubitat, quod ab initio scienter creditum est idem facit, ac si Ecclesiam Catholicam non crederet; damnatq; ipsam Sanctam Ecclesiam Christi-*

Luthero

Quantum
debeat fi-
eri vna-
nimis Ec-
clesie con-
sensus e-

Christianam tanquam Hæreticam: imò & ipsum Christum, & Apostolos, & Prophetas, qui Articulum Fidei nostra, Credo Sanctam Ecclesiam Christianam [Catholicam dicere debebat] considerunt. Hæc sunt vera; & hac subsistente doctrinâ, corrui tota doctrinâ Lutherana.

Luthero. addo Calvinum, ut Calvinus, videatur veritatis potentia; quæ tanta, ut se. insinuet. in Linguas & calamos, etiam illorum, qui sinceritatem detestantur. Sic insit ille contra Pichium. Non diffuciliter contra me, & Pichium in hac contentione de Traditionibus convenire posset, si modo Ecclesia Traditionem ex certo, & perpetuo consensu sanctorum, & Orthodoxorum demonstraret. Deinde, si ijs ipsis simpliciter, & candidè. Vteretur ad veram germanam Ecclesia doctrinam comprobendam; non ad pingendas horum temporum impias doctrinas abuteretur. Nunc, si ex privato

Traditio duplex,

pau.

paucorum sensu communem con- *Catholica*
 sensum Ecclesia facere *Velit Pich-* & *parti-*
us, eumque ex Apostolorum tra- *oularis.*
ditione natum esse asserat, non
recipiam. Omnia sunt vera; quæ
 si semel admittas, esse Caluini-
 sta non possis; omnia enim Re-
 ligionis reformatæ Dogmata e-
 uertuntur radicibus, si catholi-
 cus communisque Ecclesiæ con-
 sensus admittatur. Consultò *com-*
mune & catholicum dixi, con-
 sentio enim Caluino; qui priua-
 tæ, & paucorum hominum Tradi-
 tioni decredit; quæ enim dicun-
 tur *Apostolica*, totiùs Ecclesiæ
 sunt, & olim in diuersis Conci-
 lijs, & iam demum ex Tridentino
 à totâ Ecclesiâ examinatæ. Hinc
 iterum reditur ad primum, &
 ipsæmet Traditiones fundantur
 Ecclesiæ autoritate. Sic igitur

Duodecima Ratio.

DAntur in orbe Christiano
 Traditiones innumeræ; ergo
 vel omnes reiiciendæ; vel omnes
 admit-

De au-
thoritate

admittendæ; vel partim admit-
tendæ, & partim reiiciendæ sunt.
Qui omnes velit admittere, mul-
tas admittet dubias incertasque;
non enim omnes Apostolicæ sunt,
nam & plurimæ sunt priuatæ, &
prouinciales. Qui omnes velit
reiicere, debet Sacram etiam
Scripturam reiicere, hæc enim
Traditiones admittit, & commē-
dat. Mediâ igitur viâ est ince-
dendum: dicendumq; nec de-
bere omnes indiscriminatim rei-
ci, nec omnes admitti: sed susci-
pi debere Catholicas, & Aposto-
licas, non politicas, prouinciales,
priuatas. Sed, bone Deus; quis
mihi has & illas distinguet? Sa-
cra Pagina? sic habet Augustana
Confessio; at non semper id po-
terit; sæpe enim Sacræ Scriptu-
ræ sensus à purâ traditione de-
pendet. Recurrendum igitur est
ad Infallibilitatem Ecclesiæ, quâ
sublatâ totus Christianismus au-
fertur.

Vt & hanc rationem benè in-
telli-

telligas, audi Anabaptistam; Lu-
 theranum, Calvinianumq; de Sa-
 cramento Baptismi disputantes. *Anne ba-*
 Probat ille non esse baptizandos *ptismuna*
 infantes, quia excluduntur à *fidis de-*
 Christo Domino dicente, *beat ne-*
cessario
pracede-
re ?
Qui
crediderit, & baptizatus fuerit,
saluus erit; qui verò non credide-
rit, condemnabitur. nam si prius
 debet quis credere quam bapti-
 zetur; infantes baptizari non
 possunt, cum enim illi rationis
 usu careant, non possunt Christo
 Domino credere. Ait secundus
 debere infantes baptizari; quia
 ut docet Lutherus tom. 5. Witt.
 Latin. in 1. ad Corinth. *Apud*
Christianos hac consideratio fortis-
sima est: cum enim Ecclesia Chris-
tiana baptizet (paruulos & a-
dultos) certum sequit articulum
de Baptismo verum esse; fieri enim
non potest, tot eximios Christianos
stultos, & amentes fuisse. Et ne
traditio in textum Diuinum im-
pingat, addit infantes, quo ba-
ptizantur tempore diuinitus illu-
minari

Quanta
fit effica-
cia hac
consequen-
tia, Ec-
clesia fa-
cit: er-
go po-
test ?

An infā-
tes, curō

baptizã-
tur, actũ
Fidei eli-
cuno ?

minari & actu credere; verbum enim Dei, & Traditionem nescit aliter Martinus Lutherus componere, quàm ad paradoxa recurrendo. Docet vltimus infantes baptizandos esse, & hoc ex traditione; additque testimonia, quæ fidem ante baptismi susceptionem requirunt, debere intelligi de baptismo Adultorum. Et quid faciemus Nos, cum omnia momenta controuersæ percipimus? stando enim nudæ literæ, non videretur Anabaptistæ assertio probabilitate carere: imò etiam videretur Traditio ipsa scripturæ contraria, & nihilominus certum est (quod & Lutherani, & etiam Calviniani, fatentur) infantes baptizari debere: ergo aliunde hæc certitudo exorta est, quam à Sacrà Scripturà, aliunde, quàm à Traditione. Sed vnde obsecro. Non à Sacrà Scripturà; quæ stando literæ dupliciter exponi potest: Non à Traditione vt sic: dubitare enim pos-

posset aliquis, an esset Catholica,
& Apostolica hæc Traditio: nam,
vt ostendimus, priuata, & parti-
cularis quæcunq; fallax est;
Ergo dicendum est hanc verita-
tem, *Infantes baptizandi sunt*
haberi à Traditione, non qua-
cunq; sed Apostolica, & Ca-
tholica, & hanc veritatem, *Tradi-
tio qua iubet infantes baptiza-
ri, est Catholica & Apostolica,*
non aliunde haberi, quàm à de-
finitiuâ Ecclesiæ Romanæ sen-
tentiâ.

Conclusio.

Stat igitur Ecclesiam in Con-
cilio Generali congregatâ [vt
à Conciliorum Prouincialium,
& Summi Pontificis, cùm non
loquitur ex cathedrâ, authori-
tate præscindamus] frui infalli-
bili assistentiâ Spiritus Sancti, &
labi in errorem non posse. Er-
go dicendum est in omni con-
trouersia, quæ concernat cano-
nem, aut expositionem Sacræ
Pagi-

*Synopsis
omnium
controuer-
siarum il-
lustratur.*

Paginæ, Ecclesiam humillimè
esse audiendam; & qui eam non
audierit, debere haberi, vt Ethni-
cum & Publicanum. Cùm igitur
errare non possit [quod de-
monstratum est.] & Articulos,
quos credimus Romani, definie-
rit, & oppositos sub anathemate
damnauerit [quod certissimum
est] manet iam demonstratum,
omnes nostræ Religionis Articuli
esse veros, omnesq; con-
tradictorios esse falsos.

F I N I S.

*

* A. † P. *

*

Faint, illegible text, likely bleed-through from the reverse side of the page. The text is mirrored and difficult to decipher.



na siagnietem. Die Dom.
23. maji. 03. Quadr. na q.
poidekie - do 3. godziny
i 1/4 na Czwartej jutro. 22.

Biblioteka Jagiellońska



stdr0025024



Handwritten text on a paper label, partially obscured by the book's wear and the label's edge. The text is written in cursive script and appears to be a name or a title, possibly starting with 'L' or 'M'. The label has a decorative blue border with a repeating geometric pattern.

